







氷雪携序

夫乘楂舦窮崑崙。極溟渤。百川沸騰。則卹熒。駭及駕青翰之舟。遡曲沼。浮清池。乃顧盻。忘疲矣。杖策舦登劍閣。望



天姥嶢巖突兀。則慄焉恐墜。  
及拜米顛之石。撫孤松臨幽  
澗。又竟日不歸矣。文章亦熒。  
讀天官律曆河渠并刑錢權  
之書。如對嚴賓。終日肅衣冠。



欠申恐卧也。及短篇寄志。儷  
體興懷。如接解頤。於匡鼎聆  
滑稽於東方。不自知其席之  
前矣。故解嘲賓戲。託意舒情。  
毛穎梓人。寓言十九。風騷之



旨○大抵多比興○而少直刺也○  
然○剗○艱○深○估○屈○繁○辭○不○剪○取○  
譏○大○雅○奚○貴○哉○吳○門○之○有○永○  
艸○兄○弟○時○人○號○為○三○珠○樹○以○  
文○章○雄○珠○盤○桃○荊○者○二○十○年○



矣○中○有○所○憤○鬱○不○得○志○悼○性○  
霍○之○飄○忽○悲○義○御○之○長○驅○于○  
是○集○近○朝○明○文○取○其○雋○永○妍○  
麗○者○名○爲○氷○雪○携○以○行○世○予○  
得○而○卒○業○焉○誠○足○遣○放○悲○騷○



發○攄○惆○悵○不○第○如○少○陵○渡○蜀○  
之○篇○王○粲○登○樓○之○作○已○也○夫○  
淮○南○之○書○字○挾○風○霜○王○充○之○  
論○秘○爲○譚○助○衛○子○此○選○應○亦○  
子○雲○中○郎○之○所○寶○矣○時○方○酷○



裂○炙○手○囂○炎○蚩○尤○之○霧○四○塞○  
元○規○之○塵○污○人○而○永○叔○獨○皎○  
皎○瓊○林○人○同○洗○馬○平○雪○案○  
惟○擁○蠹○魚○所○謂○伯○鸞○清○高○不○  
因○人○契○者○也○  
管○楊○玉○環○嘗○犯○



熱燥。明皇使令含玉。噉津。以  
解肺熱。携此卧游。伏日。非必  
絲弁竹。山水有清音矣。予獨  
慨永祚。與維斗夫子。胥渭陽  
之誼。何無忌酷。似其舅。不變。



初服賴有此人。癸未之春。予  
尚得入扶風帳中。抵掌王霸。  
甄別清流。今斯文既喪。人琴  
俱亡。嗚呼痛哉。弁葉子聖野。  
過弘農舊廬。憶容輝於彷彿。



聽○山○陽○亦○涕○零○惟○有○哀○慟○於○  
西○州○門○下○委○頓○不○甦○起○負○土○  
侯○芭○窈○芥○愧○矣○從○此○焚○棄○筆○  
斫○以○泥○水○自○杜○塞○携○永○矜○冰○  
雪○之○編○挾○葉○子○北○哀○之○賦○據○



梧以吟披髮而走長林豐州  
樵牧為儔北風其涼雨雪其  
零予豈甘為入廟之犧哉


西陵盟弟吳百朋錦雯氏

題于席正山房



蘇姓  
蘇姓  
蘇姓

樞塢周儀書





序

琅園霞外。亦貯青要玄定。

之文。驚嶺流西。猶傳貝母。

鵠王之笈。莫不扇霸風於。

金沟。秉絕炤于玉耶。釋滯。



玄絃之彈。新暉染練之後。  
於是懸爲蕊佩。潔比璫華。  
雖行伊鬱之區。致有清涼  
之用。矧乃肉人之憑。暢詎  
無塵界之啓。灑者乎。諸若



索丘連類名垂于八九部  
錄括囊目標于四七固已  
畫在古疆判爲恆睹或淵  
冥而靡究或潢洋而寡隅  
祗滋蔓於紛綸疇披根於



翦柞。將求新杼之翫。端屬  
近英之裁。懶僊子夙號書  
淫。衆推服。笥詞同錦肆心  
昊玉林。茂先三十乘。薈朱  
墨。以鏗奇。逸少九萬箋。疊



銀鉤而詮妙。爾乃懋北戶  
之昏荒。拾香研北。嘉中林  
之遜遯。猗藻書中。指撝則  
紅紫成章。俛仰而丘陵生  
韻。處幽善廢。罔存悵悵之



懷含文守玄姑弄簷簷之  
奏遂旁綜乎散錦先小貫  
其明珠瑶思澹蕩疑白月  
之半窗綃淚瑩鮮宛玄霜  
之一掬嘉名用錫避俗斯



宜當夫滔滔孟夏莽莽凝  
暄眇修路之希通浩曾唵  
而永歎懷情孔默棲志密  
娛不啻三冬代序撫爾冰  
膺幾令九夏生涼濯其熱



魄聽無喧乎齊女。揮可輟  
于黍民。迨乎蜻蛉上堂。蟋  
蟀居壁。初弛乘棧之役。弗  
替采蕭之憂。於焉傲我梅  
魂。狎茲蘭素。天寒袖薄。弔



遲暮之美人。地老雲屯泣。  
窮途之狂客。聊復資其短。  
曲餞彼淪陰。庶幾少豁煩。  
冤彌深冷汰矣。嗟乎鯢潛。  
有命鵬運何時。感桃李之。



慳年。懌筠。案之。羨節。前圖。  
未改。昭質。寧虧。且也。蛾蛾。  
之斧。莫施。厚厚。之斗。難執。  
少賤。旣奢。其鄙。事老。大胡。  
庸乎。壯心。惟此。卷之。自攜。



待其人而持贈。所謂結言如貫。永矢弗過也。倘曰蜘蛛之務。不逮蠶綸虎豹之邠。終均雉祿。安得妨夫暇豫。狗此叢殘者乎。請陳答。



戲之篇願續解嘲之說

崇禎昭陽協洽二之曰友

弟金俊明書於春艸閣

房





冰雪携小引

余性不因契。胎與寒。新寒氣出。  
凝。氣。冰。與。雪。中。絜。外。瑩。有。侶。乎。  
士。君。子。之。行。也。谷。云。有。大。壑。者。  
必。不。俗。人。也。人。所。不。俗。者。得。乎。  
冰。雪。出。氣。者。也。苟。文。所。得。乎。冰。





雪之氣亦豈俗文也哉余出携  
是卷也聊以避俗而已客見之  
輒焚請曰是火宅中一貼清涼  
散也晉王述居太白山每寒取  
溪火煮建茗供賓客紙牋竹屋  
中何可少此簞置几上相昇玄



對。且。傲。党。家。粗。人。鐵。脚。衛。人。赤。  
脚。走。雪。中。嚼。梅。花。滿。口。和。雪。噴。  
出。不。若。携。此。卷。朗。吟。數。葉。便。有。  
寒。香。沁。人。肺。腑。冷。飛。白。詞。終。未。  
免。俗。因。顯。曰。欠。雪。携。出。以。共。倍。  
外。人。賞。之。



蘭心齋人湯書于寶翰樓





古文冰雪携

名家小品

序

園史序

陳繼儒

名園詠序

王思任

游覽詩序

顧起元

蜀中名勝記序

鍾惺

臥遊編序

陳繼儒

游喚序

陳繼儒

洞庭游記序

文震孟



彭蠡游筭序

管正傳

荷篠言序

高攀龍

山房芥蘼序

湯賓尹

天符笈序

陳士奇

文字藥序

葉秉敬

賦選序

陳山毓

玉函序

陳元素

廣韻藻序

金俊明

雷何思集序

鍾惺



古大夫集序

繆昌期

芙蓉莊詩序

陳繼儒

邵幼青詩序

錢謙益

萬茂先詩序

譚元春

黃可發秋詩序

陳鍾璵

○送張演仲序

楊廷樞

古桃源社序

劉敷仁

麗京威鳳堂集序

陸培

爽閣書目序

沈守正



梅譜序

王思任

山中味譜序

陳組綬

廣種蘭書序

黎遂球

浙忠錄序

曹勲

○ 遜國忠紀序

楊廷樞

忠孝別傳序

吳震元

七幅菴自序

傅汝舟

張異卿文序

萬時華

修筆公征別錄序

陳際泰



蘊樸上人詩序

傅新德

寂學上人詩序

陳組綬

宛轉歌序

董斯張

絳樹音序

卓人月

憐才篇序

黎遂球

陳小韞詩序

鄭之玄

西子藝序

萬時華

崔秦記序

方應祥

玉節傳奇序

倪元璐

方外司馬雜劇序

陳弘緒

新西廂序

卓人月

爲僧募米之匡廬序

艾南英

蘭臺瘞田序

張溥

智囊自序

馮夢龍

俞者菑自序

陳梁

印史序

沈承

魚目笑自序

姚宗典

宮詞小序  
種霞小序

宋實穎  
筠科友



古文小品冰雪攜

吳下

懶僊衛泳 箋

園史序

陳繼儒

余嘗謂園有四難。曰佳山水難。老樹難。位置難。安名難。復有三易。曰豪易。奪久易。荒主人不文易。俗。今江南多名園。余每過輒寓目焉。已復再游。或花明草暗。而園主無暇至。卽至掉臂如郵傳歸矣。或狹小前人制度。夏輒而新之。園不及新。而其人骨且腐矣。或轉眼而售他姓。非大榜。

署門則堅鏑。扇戶矣。或砍木作曰。仆石爲礎。摧  
棟敗垣。如水旱逃亡屋矣。即使榱桷維新。松菊  
如故。而擁是園者爲酒肉傖父。一草一木一字  
一句。使見者噦而欲嘔。掩鼻蒙面。而不能須臾  
留也。夫有之以爲恨。詎若亡之以爲快乎。吾友  
費無學。天下才子也。其先文憲公有鼃采園。太  
僕公有甲秀園。已君復自闢曰涉園。君出入三  
園中。饒有湖山竹木之勝。而又性不耐苛碎。體  
不工獻酬。擺簪裾。遜名譽。先別妻子。次辭親友。



嘗爲文以見志。其中畜建康朱琴黃魯直風字  
硯。湘纍荷尊。蒼玉斗各一。而三教之書聚焉。居  
恒著述甚富。前無古人。間以其暇爲韵人韵事。  
歌咏品題。漫興而續書之。遂成一家園史。大抵  
言志類蕭大園。誠子類徐勉。逍遙磅礴。文采雋  
逸。能寫其意中之味。與方外之樂。卽陸天隨之  
幽居。羅景綸之崔林。皆未始有也。吾昔與王元  
美游弇州園。公執酒四顧。詠靈運詩云。中爲天  
地物。今爲鄙夫有。余戲問曰。輞川何在。蓋園不

難○難○于○園○主○人○主○人○不○難○難○于○此○園○中○有○四○部○  
稿○耳○公○樂○甚○浮○余○大○白○今○吾○于○園○史○亦○云○雖○然○  
以○無○學○之○才○品○當○置○之○木○天○一○席○地○而○乃○使○如○  
椽○之○筆○退○而○修○園○史○以○寄○傲○亦○足○悲○已○知○我○者○  
稀○無○學○且○秘○之○苟○非○文○士○寧○許○窺○園○不○得○許○輕○  
窺○園○史○

懶仙云○大地一蘧廬也○古今來本無常主○吾○  
願○芒○鞋○竹○杖○到○處○逍○遙○隨○緣○自○足○門○前○尺○地○  
拳○山○勺○水○安○得○私○爲○常○有○哉○玩○此○不○覺○灑○然○



名園咏序

王思任

忽然而有我。忽然而呼我于億萬千字之中。執  
認一二夢寐不訛。所謂名也。隨其心之所及。買  
天縫地。搗水邀山。相之以動。潛旺之以館。榭主  
人以爲已有。而狂士瞿瞿于柳樊之外。則所謂  
園也。蓋嘗試言之。善園者以名。善名者以意。其  
意在。則董仲舒之蔬圃也。袁廣漢之北山也。王  
摩詰之輞川。甘景杜少陵之空庭獨樹也。皆園  
也。無以異也。不得者。且爲蕩丘。爲聚血。爲闕市。

爲棘圖爲斜陽荒草狐嗥蛇嘯之區烏乎園余  
足走四天下不甚修而所窺略得其大意大約  
埃壚中之園濁其獨擅者在花磽确中之園粗  
其借秀者在水菰蘆中之園平其取蔭者在竹  
與水而禽石珍瑤脰飛瓊裹爲力之所共者不  
與焉越故海鏡浮山天光下采人稱游冶家盡  
樓臺乃自然不營之圃向吾釋褐歸僑居人園  
僅有二城以鉏給諫郊以張司馬二十年來園  
乃相望各賦一名自相雄長盡山川雲物之美




兼南北產育之致。如十八路諸侯。闕寶潼關。人  
人眉豎。入山陰道者。如觀周家東序。目神倦訖。  
相約來朝。不意應接不暇。復謂爾爾。亦海內千  
古之盛矣。吾友劉迅侯解人也。袖中有滄海筆。  
下無塵氣。所居一丈之室。卷石興雲。老鼎泣魅。  
宿帖奇書。病琴瘦崔。種種韻絕。興則一棹挂壺。  
無人徑往。辟疆濠濮。靡不熟風花雪月。靡不過  
有獎無譏。逢慨助慷。每于名勝會心處。輒爲之  
償數語。或鏤楮肖形。或食肋留味。或擊節于腰。

簪之衝或賞神于黃牡之外。于是乎名園不但  
爲主人有而盡爲迅侯有其有。迅侯母亦息壤  
之大盜也。與哉。予力不能園而園之意已備上  
自雲烟下及圃溷皆有成竹于胸中矣。特未及  
解衣潑墨耳。五楹水閣青亦不了。殘夜月明天  
際甚遠。迅侯詠不之及。何耶。是猶規規于瓦埴  
中也。以此討迅侯其何以春秋對乎。

懶仙云洛陽名園之盛衰爲天下治亂之所  
係。士大夫當承平時怡情山水適意花木一



旦滄桑忽變。禾黍生悲。欲長爲抱甕灌畦之  
叟得乎。余遊越。頗覽名勝。今不知其風景何  
如也。能無憑而弔之。





寒松館游覽詩序

顧起元

余生平山水之興最所鍾情。且蕭條散誕。頗自  
謂有寢處丘澤間儀。而恆不能與山水相日夕。  
中年體羸善病。乏玄度濟勝之具。間有登頓往  
往望崖而返。一也。性懶耽臥。居恆手一編自哦。  
短簷下。積然而廢。累糧蠟屐。撰策載酒之紛紛。  
意亦厭之。二也。每遇興到。招致友人數。爲風雨  
所妒。若有尼之者。且門無好事。興乖盡矣。鮮能  
從臾爲之。更駕三也。故屈指十年以來。兩居京

師前後可四載而足未嘗一至西山兩以憂病  
居里中前後可七載而牛首棲霞往日攀陟之  
跡猶在夢寐間也余之於山水情寄雖深而緣  
亦淺矣夏日無事偶與弟輩坐水亭中於時飛  
雨乍歇涼颼徐動綠蕉翳天青桐礙日几席衣  
袂之上皆作縹碧色意欣然樂之因相與談山  
水之勝生平所嘗賦咏者憶篋中所存可二百  
餘首爰命童子錄爲一篇以代揮塵間取而諷  
之俯仰之間既已爲陳迹可爲太息矣至當其



會意時未嘗不宛然在心目間則又爲之莞爾而獨笑以爲足之所踐未有以過之夫余旣不能千里命駕如昔人所稱岳有五游其四者以快生平之大觀卽又不能閉戶學古先生作少文鼓琴發聲令衆山皆響之迂計乃獨沾沾雪泥之爪指自咤以爲能臥游山靈有知安知其不以逋客見誚也雖然班生有言朝市之士往而不能返山林之士入而不能出趣之不同也久矣彼終南之有藏用與朱門之有支公相去

何如哉。余嘗謂今人之城居者。往往起高樓飛  
觀。以望遙山之寸碧。且綴拾剩水殘石。以供几  
席間之游眺。而山居之縉流羽客。乃走城市如  
驚。矻矻亡休時。浸假而使若曹終日。隱几看山。  
暝雲漱石。吾知其必自視。以爲岑寂寥戾。褰裳  
彈冠而思去之矣。爭趣其所不足。而薄厭其所  
有餘。是恆物之大情也。心有天游。則朝市之與  
山林。惡至而分靜躁哉。旣以是語弟輩。遂書之  
以解嘲。

懶仙云。與酣落筆。詩成笑傲。深得山水之趣。



蜀中名勝記序

鍾惺

遊蜀者不必其入山水也。舟車所至雲烟朝暮。竹栢陰晴。凡高者皆可以爲山。深者皆可以爲水也。遊蜀山水者不必其山水之勝也。舟車所至時有眺聽。林泉衆獨。猿鳥悲愉。凡爲山者皆可以高。爲水者皆可以深也。一切高深可以爲山水。而山水反不能自爲勝。一切山水可以高深。而山水之勝反不能自爲名。山水者有待而名勝者也。曰事曰詩曰文之三者山水之眼也。

而蜀爲甚。吾友曹能始仕蜀頗久，所著有蜀中  
廣記，問其目，爲道釋，爲風俗，爲方物，爲著作，爲  
仙釋，爲詩話，爲畫苑，爲宦遊，爲邊防，爲名勝，諸  
種。予獨愛其名勝記，體例之奇，其書借郡邑爲  
規，而內山水，其中借山水爲規，而內事與詩文  
其中釋其柔嘉，擷其深秀，成一家言。林茂之貧  
士也，好其書，刻之白門，予序焉。辟之奕郡邑，其  
局也。山水局中之道也，事與詩文，道上子也能  
使縱橫取予，極穿插出沒之變，則下子之人也。



古今以文字爲山水名勝者非作則述以能始  
之慧心不難于作其博識亦不難于述唯是以  
作者之才爲述者之事以述者之迹寄作者之  
心使古人事辭從吾心手而事辭之出自古人  
者其面目又不失焉于是乎古人若有所不敢  
盡出其面目以讓能始爲述者地能始有所不  
敢盡出其心手以讓古人爲作者地理趣相生  
權實相馭是爲難耳要以吾與古人之精神俱  
化爲山水之精神使山水文事不作兩事好之

者○不○作○兩○人○入○無○所○不○取○取○無○所○不○得○則○經○緯○  
開○閤○其○中○一○往○深○心○真○有○出○乎○述○作○之○外○者○矣○  
雖○謂○能○始○之○記○以○蜀○名○勝○生○而○仍○以○名○勝○生○乎○  
蜀○可○也○

韻○珮○云○寫○出○山○水○文○章○互○相○映○發○如○宗○少○文○  
臥○遊○圖○撫○琴○動○操○欲○令○衆○山○皆○響○  
懶○仙○云○吳○萊○嘗○謂○胸○中○無○萬○卷○書○眼○中○無○天○  
下○奇○山○川○縱○能○文○亦○兒○女○子○語○能○始○胸○羅○山○  
水○之○勝○得○伯○敬○薈○撮○筆○端○文○章○能○事○盡○矣○



臥遊編序

陳繼儒

俞使君宰華亭之三年、政潔而民穌、絃歌之暇、手纂臥遊清福編、命陳子序之。余聞之、名山洞府、造物不付之冠劍車騎貴人、而私之隱君子。此語似有致、而寔否否。夫王公大人之游、或侍宸輿、或領使節、屯軍駐蹕、問俗褰帷、小有未濟、則兵丁曹伍、腰鎌負鍤、而前導之。能使目與足兩無憾、而後止。若蓬翟逸民、不過三尺筇與一輶屐耳。歷覽幾何、而辱之曰游、則不得不退尋。

紙上之陳跡而指數之曰是某水是某丘若置其身于空青鈍碧之間以稍自寬云耳則臥遊編者冠劍車騎貴人可無而隱君子不可不有也且山游之難我知之矣巨靈五丁洗鑿之地半出于神鬼護呵俗子命車則風雷雨電隨其後非夙具靈根者不能遊徕巖虎窟蛟穴鼉宮與夫族冢叢祠之林狐狸嘯而鵲鷗啼非有膽智者不能遊棧腐梯殘葛枯蘿脆非捷如猿鳥而頑如樵牧者不能遊寒暑載途變色而進喘



不續吁。胸與膝拄。非精爽壯旺而好奇者。不能  
遊諸遊具矣。而糾于俗務。頓于老病。左于非時。  
甚則興盡者才盡。才盡者山川之秀亦盡。而游  
不必記。記不必文者多矣。甚矣遊之難也。非遊  
之難也。難于上帝之清福也。嗟乎。自古山川幻  
住。陵谷變遷。海底塵飛。蓬萊水淺。卽天地且無  
所恃以久存。而何況山川。又何況遊者。嘗試訪  
古今游客姓氏于什碑斷礎中。野草夕陽。冥冥  
漠漠。而幸有一二記遊尚在。則昔人涵雲嘯月。

討松論桂之意彷彿可求。而穆王八駿之所未  
巡秦隋六龍之所不及。臨幸者皆得與巢公一  
巢壺公一壺共縮而游之。几上比之王玄仲舉  
烟爲信。韓昌黎慟哭縋書。詎爲勞逸哉。是編也  
無問隱君子與冠劍車騎貴人。但有清福者然  
後出此以授之。

懶僊云。李鄴侯子應襲爵。謝不敢當。但乞告  
身一道。便宜山水間。縣伯不得追呼足矣。天  
子奇之。御寫勅。扎余謂此勅須前生從玉皇



案前乞得。若一爲上天所吝。則塵勞忙碌。既  
不克涉水登山。亦難消受臥遊清福。





游喚序

陳繼儒

名山大川、特地水二大中之一隅、其旋轉生滅、  
多賴風輪風輪何在、則文人才子之筆是也、王  
季重筆悍而神清、膽怒而眼俊、其遊天台鴈宕、  
諸山、時懦時壯、時嗔時喜、時笑時啼、時驚時怖、  
時呵時罵、時挺險而鬼、時蹈虛而仙、其經遊處、  
非特樵人不經、古人不歷、卽混沌以來、山靈數  
千年未嘗遇此品題、知已大抵山川有眉目、借  
人而發、又無口、借人而言、若遊者非文人才子、

正如醉夢人夢骨以爲丘陵夢髮以爲草木夢  
耳鼻以爲洞門夢口以爲河夢舌以爲沙夢眼  
以爲日月夢氣以爲雲霧困極迷離遊而不得  
出則嚙語涕發輒以一喚爲幸問其夢何狀則  
欠呻哇張莫能名其所以俗兒見山迫欲歸歸  
則憤憤如故者何以異此更有強作解人漫無  
可否每輒言佳此山水中鄉愿王季重倔强猶  
昔不屑也季重此記原以喚舊遊王謝諸人豈  
喚此等輩哉



懶仙云羊太傅造峴山嘗嘆自有宇宙便有  
此山○古來賢達登臨者○湮沒不聞○使人悲傷○  
如百歲後有知吾龜龜猶應遊此○政自不肯  
生前作夢夢人也○





洞庭游記序

文震孟

孟長茲游有四快、而天時之宜、風日之美、眺覽之奇、不與焉。游當茹素之期、不以酒肉絲竹塵點山靈一快也。又當淪棄之日、山中好事之家、無相物色者、草衣衲侶、游乃益清、二快也。窮林屋之勝、至于烟迷徑絕、田夫野老、驚相告語、奔走救援、此猶足以徵人心焉、三快也。以余耳目所及之名公、若馮元成先生、游記遍天下、獨遺几席之洞庭、至張伯起、周公瑕、王百穀、皆未嘗

汎石公龍渚之棹。惟趙隱君凡夫。僅一至耳。其  
他游者。不能記。記者不能盡。卽弇州之文。亦似  
寥寥未稱。而孟長雄詞偉藻。直與縹緲莫釐爭  
高。競爽吞今掩古。光怪陸離。將使後來游者。遂  
可無言絕響。不必先結一記遊之想。以撓其登  
高臨深之天趣。四快也。昔人有言。山水之神情。  
恆與幽人畸士相親暱。然非言語文章之妙。不  
足以發潛而流遠。今間詢之楚人。武昌赤壁。僅  
一部婁。而柳州遺蹟。按圖索之。殊不相當。獨以



兩公文在。幾與五嶽四瀆並垂聲于宇宙。文人  
不遇。豈非山水之甚幸哉。况洞庭靈奇。夙標震  
旦。惟護之以風濤。怖之以險阻。卽具逸情遠性  
者。亦未能時時酬對。一朝爲耦。相得益彰。山靈  
愴豫。又復何如。不啻吾所稱四快而已。余自擯  
廢以來。屏棲深谷。雲封烟繞。門前寸步。便如黔  
蜀萬山。洞庭之游。日與孟長期。而今竟先我矣。  
覽茲游記。固深快之。而亦深妬之。終乃深幸之。  
幸我雖未游。而茲已游。他日雖游而已。不必記。

游也。

懶仙云日尋山水之勝而不得山水之趣是  
遊方之內而未游方之外者也。湛持先生胸  
中自有丘壑。會心處政不在遠。



彭蠡游笈序

管正傳

管人有云君病中莫得移心法否予謂此法殆  
通于詩推衿送抱玄對山水見山思靜見水思  
動性情所之因復相還山水之變乃復默移于  
吾心而不覺也此其味非他人所得而知其不  
知之則游也爲浪士矣雖復倣體製辭比物構  
句辟之聾者效人爲歌聲雖美無以自樂予同  
人張幼青固深于詩者自錢江汎衢浦陟子陵  
之臺乃入于彭蠡歷南浦涉文江而過予于琴

水之間。出所爲詩。示予若干篇。題曰彭蠡游笈。  
彭蠡志游也。獨稱彭蠡者。列星分野。山川表之。  
山川惟大者得稱主也。幼青胸中模山范水。其  
詩得以有彭蠡。非因彭蠡而有詩也。是故游不  
必一彭蠡也。而彭蠡遇焉。卽其詩不必一彭蠡  
也。而彭蠡無弗遇焉。則總辭焉。而曰此彭蠡之  
詩可也。故夫渾渾泡泡。天波續連。漱吸萬古。牢  
籠百態。擘陽侯使分流。役封姨使交馳。彭蠡有  
之。幼青之詩有之也。玄龜負石。漆然百丈。上有



印文皆古篆字。青泥未損，封識依然。金板玉簡之遺也。薏苡之子所刻鏤也。彭蠡有之。幼青之詩有之。嶷嶷二孤，落落五老，常積雲霞，雕錦綉于萬仞之上。曜靈散綵，赫似絳天。彭蠡有之。幼青之詩有之也。康郎之下，激沸馳騰，氣若奔馬。放悲忠魂，音垂常在。炎光燒其骨，魚鱉食其肉。寧遂不能爲聲哉。彭蠡有之。幼青之詩具有之。幼青有胷中之彭蠡，而彭蠡有自狀之詩。穎濱所稱一部奇書，在天下名山大川壯麗奇怪之

處○非○善○游○若○幼○青○曷○遇○諸○夫○山○川○能○移○人○情○而○  
善○游○者○乃○復○移○山○水○之○情○以○歸○于○詩○得○此○意○也○  
以○讀○幼○青○之○詩○循○浦○嚴○灘○文○江○南○浦○皆○得○以○一○  
彭○蠡○收○之○則○總○辭○焉○而○曰○此○彭○蠡○之○詩○豈○不○可○  
也○雖○然○天○下○名○山○大○川○壯○麗○奇○怪○之○處○如○彭○蠡○  
者○未○可○以○策○數○善○游○如○幼○青○遵○此○以○往○并○吞○囊○  
括○于○胸○中○吾○竊○思○山○川○不○復○能○保○有○其○壯○麗○奇○  
怪○而○強○半○爲○幼○青○移○以○歸○也○茲○游○也○幼○青○其○不○  
免○爲○山○川○所○忌○尤○哉○



曇隱云匡廬奇秀甲天下○元心胸吞筆攬○詭  
然而蛟龍翔○蔚然而虎鳳躍○鏘然而鈞韶鳴○  
壯麗奇怪○意溢情滿○殆自道其所得耶○





荷蓀言序

高攀龍

率無技家有廣庭庭中雙桂對峙屹如兩山枝  
下虬拂地樹中各可布席坐數十客葉密護之  
如幄花發時聳色奪目濃香沁骨乍見而駭不  
謂天壤間有此奇蓋世無其儷矣不佞非以事  
奪無年不作賞花人一日酒中無技出荷蓀言  
示不佞旨哉無技家太湖濱青山白水浸灌久  
矣味深矣宜其能言丈人意中事言之不足而  
三言之四言之味愈雋也第無技卽有高韻一

丘一壑。不佞嘗以自與而不與。無技。無技與不  
佞。生同歲。其受氣十倍不佞。當用于世。未可以  
丘壑與。又其人有肝膽。能當天下事。未忍以丘  
壑與。然無技閱世多。知世味如此。而無涯之樂  
現前。有盡之年。迫後。坐雙桂間。香一爐。茗一杯。  
酒一樽。書一卷。出門而雲烟帆鳥。變態于七十  
二峯。皆吾几席上物。世味豈更有肯于是者。宜  
其有荷蓀之心哉。

懶仙云。大豪傑作出世語。寄慨良深。



山房斧藻序

湯賓尹

詹君問石有所善余無且隱人也而長於聲詩  
所居詒穀山房晉送往復多四方風雅之士問  
石官饒州日夕不忘歸曰吾有石耳山可隱里  
人余無且輩可友也予道饒數勸諫之子腹世  
畧何忍蚤自匿爲序其將隱述一書極道此意  
尋予渡彭蠡上匡廬山幽奇越絕之致身世無  
抵行臥數日爲風泉雲壑所戀不忍捨去亟以  
一函報問石曰風物美好子不忘歸隱者是也○

石耳山與詒穀山房何樣。廬山可老。行與子講。  
三分之業矣。人生席佳。山水枕股。書籍時得。一。  
二韻人來。文復酒狎。領江山真。天地間極樂快。  
事前爲問石諫者。豪傑之士。直欲其發憤所爲。  
未許以彼易此也。然予性拙絕。所逢名勝。獨能。  
以兩脚跟強博旦夕之玩。輒自詫曰。吾園吾池。  
吾亭吾榭。若復選勝理椽。卜期命爵。懶拙未能。  
爾。而詒穀主人以其不試之藝。部勒亭臺。徵逐。  
花鳥。聚賞之以友朋。永傳之以詩歌。於此中直。



有深造敢介詹君聊一請業入山亦須作少料理○當不如遊者之草草也

○懶仙云○廟堂苦○隱山林○山林苦○則復隱之○廟堂○故東方生避世金馬門○盧藏用亦爲隨駕○隱士○出處政不必作兩截觀也○

堂對東太主幾冊金銀門盡無用亦恐前  
音。謝山云。鳳堂昔謝山林山林昔限對謝之南  
堅當不。破。鼓。香。之。草。草。也。  
音。米。鼓。鐘。余。韻。孫。卿。一。精。業。人。山。水。終。亦。也。林。



天符笈序

陳士奇

原夫藻玉敷瓊。橐籥均中原之菽。推陳出焰。鑽鑿遠天上之榆。是以文極頂以扶踈。則攀窮人境。筆斬生爲枚肆。斯剪奪化工。然而不托產材。區沃液窮夫化枳。不蚤剖靈蒂。輪困洫其癭。槐卽接柯承跗。猶言削楮。雖比紅儷白。竟隳儉蟠。求其領未領之英蕤。生無生之胎果。曠天分而不恃。縱橫蕪彼三冬。遺羣藉以遐舉。倚離高其百尺。則直指人翁。馮公其人也。公足篆成文。胸

冰雪携

序

二十三

珠有悟。李百藥之徵籍稻。人詫神童。賈嘉隱之  
對配松。咸稱宿慧。兼以據梧志篤。編柳功深。衍  
見蕃聞。暄以六龍迴標之霞嶂。根辭核義。潤以  
五犀鎮堰之渙瀾。爰是潭化馬龍。負圖胸次。龕  
封鐘磬。戛韻喉間。隨意摘成。咸摻榮以扶質。恁  
機綴就。儘垂條而結繁。賦以貌物。一縱一橫。組  
分旖旎也。詩以言志。或長或短。綺合芊眠也。歡  
弧桑而悵繫藿。情種異緒。滴滴乎晨露之引新  
桐也。弁懸草而鉢曇華。思芽各致。韡韡乎春翹



之發寒木也。正言而博浪之誤。惟與桑株八百者。返忠魂於聚窟。誹言而漁陽之狂。搥與芋蘿。吳越者。蠲俠忿於帝休。斯則才程伎以課無幾。萌希蘖。意匠契而責有。側挺旁生。考作賦之十年。紀炳靈夫。四子長卿蔚若。君平皜如。太玄含章。子淵秀發。試使絜洪蔽畝。比聳蠱雲。彼相蹈墨蹊。猶東門之肺肺。此徑截詞流。則西來之一葦。况夫著書起於窮愁。奇文老於歷落。不滌罷不奏上林。不卜簾不知支石。候門頌作。乃訪碧。

雞執戟嘲來。空吐紫鳳。而公飄纓茗歲。珥筆楓  
宸。有凱穆之咤喈。無風塵以撼頓。以彼中山之  
文木。理感紋橫。視此員崙之宰。蘇饑療勞。釋其  
不可竝株。而談聖散。同莖而稱泥露也。明矣。若  
夫心之與言。如木叩音。文之與政。猶枝亞影。刪  
心中之鈞棘。故夔爾撰綴。廉傷而愛。必捐鏟政  
上之蔓藤。故夷然節披。勢餘而辭已盡。公側陞  
彈蕉。屈軼含風。霜之凜。按部鋤莠。平路傳山嶽  
之搖。玉跂金盪。但分一把。芟亥芑已。轉蔭三時。



則又略拂忌維已茂萬季之樹平批仁壽能關  
頃刻之花者乎方今獷牙未童鶚音再逞旣難  
柔其食甚自當絕以破桐幸轡沃乎皇華共思  
刈荒想輪扶夫大雅載詠采薇乃下穆而及葛  
蘿復中虛以惠模楷准諸郡乘顏曰天符豈第  
篆鳥書蟲造文留薤穗之跡行將驅鱷咒虎辟  
惡徵桃菊之祥下走荔譜味親榕陰緣偶幸鈍  
樗之塗立取辱成風飄隕籜其園遐終虞掃迹  
對薜葡而讚佛未薰聞見之香起蘋末以賴天

自激刁調之響焉爾。

人翁云合江榕山上有天符葉紋如篆劉真  
人僊跡馬龍鐘磬皆合江故事  
懶僊云落筆成蚪蚪之篆擲地作金石之聲。



文字藥序

葉秉敬

人有四百四病。一藥不能治一病。藥故多於病矣。然吾猶以爲藥少也。世有八萬四千煩惱。出於四百四病外。而無八萬四千藥。奈何。昔文殊令善財採藥。云是藥採將來。財曰。徧觀大地。無不是藥。藥又何多也。藥雖多。不能治煩惱病。煩惱無根。惟心所造。心所自造。還爲心病。心病須心自醫。豈是外藥可療。雖使收神農所嘗之草。善財徧觀之。藥用以治心。終是隔靴抓癢。古德

有一偈云。氣濕風勞。猶可療。不知禪病。若爲醫。  
衲僧更擬尋方藥。便把拳頭驀口掇。禪病爾耳。  
心病亦然。然則將聽其病耶。枚乘作七發。謂太  
子之病。可以要言妙道而去。太史公曰。談言微  
中。可以解紛。解紛猶可。解病何難。然則文字之  
爲藥也的矣。一部十三經。二十一史。道德五千  
言。大藏五千四十八卷。何非文字。何非藥耶。爭  
奈世人。又蚤作文字會了也。村夫俗子。見此茫  
茫道。是異方奇藥。嚇得通身汗下。不敢開口。反



不如尋常俗醫拈着一二味村藥顛倒燥却脾胃噫嘻孰知村藥之可治村病也又孰知村文字之可當村藥也予自入覲事竣回至涿鹿道中坐在車茵清閒無事徧觀大地是藥人不能採因憑軾而作文字藥意欲村夫之易了也母寧失之不文或曰子以是藥治天下耶抑先以治汴中人耶余曰余先以治車中人

懶仙云蘇藥城嘗言看書如服藥藥多力自行黃治翁又言惟俗不可醫醫俗病者獨有

書耳。余不解文字。聊借架上書以藥吾腐。不  
啻參苓丸也。若村俗諱疾忌醫。雖見好文字  
亦必作嘔。



賦選序

陳山毓

夫管絃絲而黃鐘閎響。下里屬而流徵鬱音。豈  
非易習者衆。托而難能者衆。避乎炎漢。以還篇  
什。遍著。馳情古律。則姓字連章。蜚聲賦頌者。才  
可屈指而已。昔人稱賦者。軒翥詩人之後。奮飛  
辭家之前。斯則攄寫情性。罄竭風標。孰踰於此。  
而能者不作。作者不工。絕代奇音。寂寥嗣響。故  
夫騰譽藝林。嘔心篇章者。可寘斯與。余粵自齠  
歲。載懷迄今。以爲已製未容。卽工古人。應可商

推手自歷撰靈均而降計若干首竊嘗公其本源窮厥枝幹條流梗槩有可敷陳一曰裁夫絀絳殊采而槩屬之色夷洗殊律而同協乎音既由類統難曰異門古人云不歌而誦謂之賦夫詞非已作春秋列國大夫之賦也體由自製鄭莊晉薦之賦也皆不歌而誦之義也披閱三百賦體未昌然遵路之謠兩肩之詠厥緒亦萌是賦者權輿於衰周而嬋連於風雅藝文志云屈原賦二十五篇賈傳傳云楚賢臣被讒作離騷



賦史遷亦云懷沙之賦是則屈子諸什皆賦也  
而或者目連類比物爲賦謳吟情事爲騷粵自  
何人殊暗厥旨夫騷者憂也又擾動也試繹其  
義是可以爲篇章之一目乎斯蓋由來之蔽也  
又頌者賦之別目特其類四言詩者分路揚鑣  
不可一儔耳九章有橘頌子淵洞簫孟堅曰頌  
安仁藉田臧書曰頌昭明日賦是其共出一原  
同歸一致者也既達斯旨則遣詞用心畧無定  
式巧心妙手彌可抒長二曰軸夫無心出岫奇

形成色。衆竅怒號。宮商自韻。斯則象無常本。聲  
無定曲者也。若乃方員分形。竹木異類。是乃萬  
物各儔。難以相干。猶五言之不可爲賦。序記之  
不可爲箴。銘耳。胡爲後世辭人。疲精賦頌。輒乃  
前者造規。繼者蹈矩。互相規倣。無復斬裁。不聞  
今日之風雲。卽是昔日之貌。竹柏清響。下與蔓  
艸爭靡。剽竊固是卑凡。擬議亦是合轍。正須胸  
馳臆驚。不受他人驅策。自我抱玉。無取效眉。此  
自漢至今。不可多得。將是有待。豈曰無才。三曰。



氣夫亢蚘哀吟。螻蛄長噪。率由氣至而鳴。或引之長也。作者氣一不至。正使玄黃粲爛。亦何足賞。竊以爲氣厚。故不匱。氣伸。故不住。氣旺。故不衰。氣貫。故無迹。作者之氣正。可引。讀者之氣而使不歇。自然行挾風雲。字灑珠玉。若乃氣一不至。則使讀之者索然自盡。聲不能高。而氣不能揚。夫離騷連篇。豈曰蕪累。九歌半牘。非是促短。篇或一韻。固自昌達。句或改韻。亦復汪洋。斯則氣由胸臆。不關篇章者也。他如相如獻予。駿足

馳阪勢自千里而倏然駐足怒氣有餘是亦微  
達斯妙者矣四曰情夫樂者揮危弦而初未嘖  
眉哀者撫宮音而自然淚灑故孟嘗之於邑荆  
卿之低回談者以爲音之感蓋未矣古人云未  
知文生於情情生於文作者要使文生於情自  
然使讀之者情生於文詠離騷而涕漣身非游  
澤畔也誦天問而心激目非親圖畫也情感之  
也若夫身無疾痛強效呻吟此如當烈風而談  
絺綌御朱明而咏含霜耳雖可傾身故不適後



世辭人率皆類此。竊以爲胸無鬱結，不必抒詞。中有徘徊，纔御楮墨，自然吐言逼真。中情妙達。五曰神夫，均抽辭。江濱岑寂，子虛援毫，意思蕭散，皆是神思獨往，不以俗物纏心。故寓心萬代，遊神八方。咸神以靜，伸思由密。致故夫營營胸次，汲汲人間者，且不能窺情風景，鑽貌艸木。而況乎語時事，論懷抱哉。若乃平子練思十年，太沖濡毫一紀，斯僅博取充棟，漫錄圖記。雖云富才，祇是儲寶，非神之謂也。若夫孤畝麗山，黃

鵠高舉龍門百尺溪谷曾波斯竝辭彩精拔跌  
宕不羣筆端有神斯焉其次若乃含筆腐毫應  
詔成賦遲速之判也子虛奔星入軒宛虹臨檻  
三都稽必地圖考必方紀虛實之分也或模山  
範水字取連形或清言逸句悠然天挺緜約之  
弄也或卽目會境象臆抽心或蕪累相仍穢雜  
無序工拙之殊也是則目寓斯存累牘難盡者  
也若乃達斯五祕運以一心然後酌古人之曠  
真剪前哲之榛蕪競短長于片言校宮商于全



牘凝情屈宋不數張左下則枚馬無取潘陸巧  
因思濬奇由情會訏謨定命雅致願存楊柳依  
依物色斯貴靈均非乏瓌奇長卿亦是員麗竊  
嘗有志未見其人云爾

懶仙云長卿之論賦曰合綦組以成文列錦  
繡而爲質一經一緯一宮一商此賦之跡也  
賦家之心苞括宇宙總覽人物斯乃得之於  
內不可得而傳茲能提綱舉要作賦金針通  
人共曉

卷之七

一、  
二、  
三、  
四、  
五、  
六、  
七、  
八、  
九、  
十、

一、  
二、  
三、  
四、  
五、  
六、  
七、  
八、  
九、  
十、

一、  
二、  
三、  
四、  
五、  
六、  
七、  
八、  
九、  
十、



玉函序

陳元素

今欲設客。不豫儲名酒。方物。惟旨。惟時。惟皆。臨  
辰。始典。鷩鷩。提鵬。夷適。市。此大危事。縱不煩適。  
市。出其度。閤濁。醪脫粟。去毛折項之具。客必不  
歡。主人辭無以羞。嗑言若哇。又如商遠。吳越以  
舟。燕趙以馬。所歷某水。某山。某夷。某險。某產。某  
所。良齊。純越。布耶。谿之。鋌。紛。胡之。箭。不一。一。諳。  
而。貿。貿。焉。將。奚。適。且。奚。市。而。返。夫。業。舉。者。亦。有。  
豫。儲。矣。古。事。是。也。亦。有。一。一。必。豫。諳。矣。祖。宗。朝。

垂制立法而後因之。或益損變通者是已。雖然。博於古。辯於今。勢不得苛求於炎炎赫赫。工經義之士。何者。工經義已幾焦。守靈之液。噴含明之烟。而復蒐墳獵索。稽文乞獻。必夫人而蘇子瞻夫人而用修元美。而後可不取資吾友衛翼明。玉函之刻。玉函者何。業舉家所究詰。三才七畧之材。而因事徵物。循物原始。詰名疏義。分部列族。若遊大官庖。無珍不蓄。若披輿地志。無僻不載。微徒媿世之津梁。抑亦殖學之林藪也。同



社顧宣美氏與不佞從傍商訂小有裁割要以爲翼明佐饗而翼明不自有也一日先子再曰先子蓋是書實出水部崇之先生手創云先生十八舉賢書三十八成進士研窮徑術二十餘年意在經世而竟不大顯乃以詒子若孫吾觀翼明白弱冠以來伊吾則父書丹黃則父書削刷則父書師友送難則父書課子則父書手澤常新心光逾炳余與宣美每歎服前輩業舉功力宜用神仙家積精繫炁之法轉入瓊存七元

白日羽翰。丹臺姓名。所以慤其可必。或謂翼明  
何不祕帳中。自擅良弓冶。世世而以公人間爲。  
夫冠籜巾荷。稱坎離黃白。誣罔詭怪。不示人。若  
東華南岳。琅簡藥書。固願得人而傳。且恐傳而  
弗習。寧有石髓玉膏。青精飯素麟脯。僅僅望一  
家之腹者哉。

懶仙云。先生著作甚富。尚秘名山。余從孝寬  
索得數義。如瓊漿麟脯。得未曾有。是篇尤余  
家寶也。



廣韻藻敘

金俊明

夫伯牙善操○非遶鐘不能發其音○夜來誠工○舍  
神鍼無所施其巧○是以良匠必度於山木○妙手  
亦資乎爨材○矧高卑旣陳○則耳目攸寓○或騰文  
在地○或吹簫自天○鸞○咽鳳嘯○發異唱于奇姿○虎  
炳豹蔚○舒變文于雄采○蠓然蛩憂○猶有琴箏之  
聲○題彼翬飛○且呈綺縠之絢○人文風制○何獨異  
茲○故在蘭搖玉振之儔○恒有桂綳金鏘之作○裁  
緇湛翠○刻篆流丹○佳對與逸韻○欣逢雅事○並彫

章叶調固握珠而善富亦建葆以高訾譬諸黻  
珽○綽○綽○有其服者著其容鐘鼓瑟控美其音者  
妍○其○飾○彼○夸○靡○鮮○蘊○固○徇○委○而○忘○淳○若○抱○質○遺  
文○亦○崇○條○而○謝○萼○自○非○整○領○芳○言○逍○遥○妙○思○曷  
克○摩○空○走○轡○擲○地○翔○英○者○乎○方○子○南○明○氏○吾○鄉  
之○紉○璐○同○社○之○圭○表○也○門○擬○太○丘○架○餘○宛○委○詞  
高○蘭○雪○志○眇○松○霞○文○殘○展○暇○彈○蕉○尋○菊○之○篇○鏤  
管○拏○新○駭○綠○紛○紅○之○字○秘○潛○抽○夫○獨○繭○麗○每○軼  
於○連○烟○蒨○枕○無○虛○鉞○掄○不○偶○慨○陰○氏○韻○府○寬○收



乎淺庸惜楊子韵藻未詳其奧異爰廣蒐鮫臚  
諸峭舊獨存腋白若列髹彤固藝海之瑤圃亦  
詞流之錦節矣嗟乎自湫學迷蓬朶堂汎芥以  
空荒爲隱秀謂淹該其罕霸然而和儻絳驂陋  
慚卉犬聲磨句束挈銚而屢空思涸原枯轅釜  
而韜翰或者緝纏靡主沓沸徒勞雖索百車有  
同木屑何如討彼精騎接我要刪相依韋之所  
從惟妙麗兮攸屬可使銷鳴錦地璆動綃宮命  
香草于山川秀風馥世薦華菁于楮墨惠采榮

書○激○響○則○清○雲○爲○卑○汾○波○而○浩○翠○莫○際○固○以○納○  
慶○身○文○貺○靈○詞○步○豈○托○屏○隱○之○孤○穴○漫○來○客○誚○  
乎○懶○祭○也○哉○

嬾仙云有韻必有藻○兩儀萬品莫不皆然○孝  
章發宏論于短篇○包蒞深厚○詞致之美又其  
餘事○劉彥和雕龍不足方駕也○



雷何思太史集序

鍾惺

先生有先生之人。不得以詩人文人待之。選其詩文。不得以詩人文人待之也。先生沒。惺于先生詩文。逸于集外者。心誠求之。不遺餘力。乃集中所存。反有毅然去之。不謀于人者。蓋猶以詩人文人待先生也。至其全出于志氣之中。而散處于筆墨之間者。則先生所嘗自云。不泥古學。不蹈前良。自然之性。一往奔詣。其識力卓而突。能超世。其才力大而沉鷖。能維世。其膽力堅。

恐而神能持世其骨力重而不軟媚能振世其  
氣宇閒而其肝腸熱其心在睂睫而其舌在肺  
腑居然有一聖賢豪傑之神悠悠忽忽踈踈落  
落然流于詩文者一集有之一篇有之一句有  
之雖已之筆與腕不能留之使不住而隔之使  
不通者是何物也非詩文也而其人也

懶仙云拔地倚天句句欲活作者之手腕精  
神從數行中寫得生動如是乃可序詩文勿

輕着穢佛頭也



古大夫集序

繆昌期

余讀元微之之序子美而太息於其言也。彼夫上下千載而屈指寥寥。以一人總而擅之。何其盛歟。而跡其生平。負薪拾橡。轉餓溝壑。冀幸天子之哀憐而不可得。至於覆雨翻雲。千古輕薄之交態。緩歎長呻。子美之負人歟。人之負子美也。自詩史之號流傳。世之學者。沉擬曲換。以托於幽憂瘁况之節。夫安知性情之何在。余乃得古大夫集而異之。大夫高門殖學。突起西南數

千里外而顚顚公車。惋憤時事舉目曉之低回。  
足跡之偃仰觸古悼今。觸今悼古一寓之於詩。  
今其集具在。齋居百味。何異於北征。咏懷補襪。  
貸穀詎殊於茅屋。秋風近體種種悲愉盡變。使  
人讀之恍見其鬚眉而徬徨追賞於咏嘆嘯歌  
之外。此其人可知矣。昔人謂子美詩夔州以後  
轉神。豈所謂巫山之隱澹。白帝之嗟峨。另開一  
境以發人之奇。而適然遇之一往沉鬱頓挫不  
禁之思。與崩濤束峽哀猿叫狔。相答而成響也。



耶○悲○夫○子○美○當○羯○胡○播○逆○之○秋○蓬○飄○無○主○卽○濱○  
西○之○閣○東○屯○之○堂○亦○愴○恍○寄○焉○耳○大○夫○夔○產○也○  
石○峭○水○清○與○秀○韻○適○敵○今○天○下○東○西○南○幸○無○事○  
大○夫○得○雍○容○冠○帶○歸○蜀○出○蜀○旣○儼○然○臨○長○五○湖○  
部○署○天○目○矣○當○世○不○爲○負○大○夫○大○夫○婆○娑○山○郡○  
以○其○間○上○會○稽○揆○禹○穴○東○南○之○天○又○另○開○一○境○  
以○相○助○發○山○川○藉○之○品○題○靈○祇○賴○以○昭○告○夫○非○  
作○者○之○能○事○歟○吾○友○吳○之○俊○以○明○經○判○安○吉○不○  
及○官○而○以○喪○聞○大○夫○曲○爲○經○紀○又○憐○其○子○秀○才○

客之代舍。嗟乎此事。古人所難。而子美當流離  
轉餓之日。緩歎長呻。猶冀一見之者也。大夫自  
題其梁父吟。亦猶子美之志也夫。

懶仙云。文章有神。交有道。文章友朋。非二事  
也。薄于友朋者。必不深于文章。兩者正于流  
離窮餓之際。倍見情性。此序流離感慨。是以  
風矣。



芙蓉庄詩序

陳繼儒

吾隱市人跡之市。隱山人跡之山。乃轉爲四方名岳之遊。如獐獨跳。不顧後羣。如獅獨行。不求伴侶。朕丹危翠險。梯腐藤焦。每欲飛渡而空躡之。計莫若退隱田園。因作田園詩。張嘯翁許爲同志。和以見眎。并出芙蓉庄詩若干卷。屬余讀之。余笑曰。今詩人集滿天下。其投贈寄懷。率輒上君子。凡通顯有位望者。輒字之。幾于無等。至問其交情始末。或彼此不相識。卽識彼亦不復

眉公方說得○出

惟

能○省○記○而○必○欲○臚○次○其○姓○名○以○爲○行○卷○羔○鴈○之○  
贄○大○都○一○仕○籍○而○已○嘯○翁○憐○而○唾○之○凡○與○交○游○  
唱○和○者○汰○不○書○所○作○皆○分○梅○種○竹○移○菊○藝○蘭○蒔○  
茶○采○藥○及○料○理○農○桑○漁○樵○之○事○事○真○故○爛○熲○而○  
流○便○興○率○故○簡○至○而○酣○暢○心○細○故○精○綜○而○條○理○  
品○潔○故○幽○微○而○疎○快○調○高○故○孤○直○而○清○迥○讀○其○  
詩○想○見○其○胸○次○且○笑○且○啼○且○醉○且○醒○日○混○村○童○  
庄○客○之○中○而○神○遊○于○時○局○苑○枯○向○背○之○外○古○者○  
罷○侯○種○瓜○逃○相○灌○蔬○龐○公○條○桑○雲○卿○織○履○其○意○



念亦若此耳。四君子密藏遵晦并文彩不少見。  
予古者溪以爲恨。而嘯翁尤幸有此集。流落人  
間。使人名利之心頓忘。烟火之燄盡息。雖逃世  
而救世之功寓矣。嘯翁數招余頗切。義不忍作  
鐵心人。終當一叩芙蓉庄。飲李公窪樽。臥皎狀  
桃花石枕。醉呼張志和。汝曾見而家嘯翁田園  
詩否。

懶仙云。時人著詩作羔鴈。大都一仕籍而已。  
憶世廟時有金陵詩人于元日有懷分宜詩。

一友戲曰開歲第一日懷朝中第一官至臘  
月晦自未必懷及我輩此語可爲詩社一砭



邵幼青詩序

錢謙益

辛巳二月余將登黃山。憇余掄仲之桃源庵。日將夕矣。微雨霏霏。四山無人。白龍潭水。撞耳如懸雷。顧而樂之。謂同游吳去塵曰。此時安得一二高人逸士。剝喙款門。爲空谷之足音乎。俄而籬落間。颯拉有聲。屐齒特特然。則邵幼青偕其叔梁卿儼然造焉。再拜而起曰。吾兩人宿春糧。從夫子于白岳而不及也。今乃得追杖屨于此。皆出其詩以求正焉。越翼日。余登山。憇文殊院。

幼青踵至曰。梁卿肥。不便登頓。至慈光寺而返。吾亦從此而止。明日遙望天都峰頂。如昔人登蓮華峰。以白烟一縷爲信。招手一笑耳。余語去塵。新安城市浩如塵海。得二邵君。差足粧點物色。他日可以爲美譚也。去塵問二邵詩云。何余曰。古云。詩人不人。其詩而詩其人者。何也。人其詩。則其人與其詩二也。尋行而數墨。儷花而鬪葉。其于詩。猶無與也。詩其人。則其人之性情。詩也。形狀。詩也。衣冠笑語。無一而非詩也。吾與子



游薌村藥谷之間。山重水襲。谿回谷轉。青鞋布  
襪。杳然塵壒之外。于斯地也。穿烟嵐。穴雲氣。扶  
搖而追尋。司空表聖之論詩曰。晴雪滿竹。隔溪  
漁舟。可人如玉。步屣尋幽。吾之遇二邵于斯也。  
表聖之所云。顯顯然在心目間。稱之曰詩人焉。  
其可矣。吾游黟山。不獲見桃花如扇。竹葉如笠。  
松花如纛。得二詩人于薌村藥谷之間。夫然後  
而知詩。夫然後而知詩人。茲游之所得奢矣。去  
塵告我曰。幼青以求序。故典婦一釵。賃舟過虞。

山○食盡反矣○幸有以慰之○余曰諾○遂書之以爲  
序○幼青膚清貌癯○如羽人道流○其詩少摹長吉○  
晚師香山○骨氣清穩○非以割剝爲能事也○海內  
能詩者知之○余不具列焉○

懶仙云○序詩而其人之性情之形狀之衣冠  
笑語○如面如畫○天趣溢發○筆飛墨舞○



萬茂先詩序

譚元春

聞茂先之名者十年矣。人稱其至性深淳、篤實而有光、深思好學、不知倦怠。古今高深之文聚爲一區、而性靈淵然、以潔浩然以曠、且爲吾輩同調。及予過蠡浮、貢舟未息、權遇一黃冠、問此中人士、黃冠卽應聲曰：萬先生萬先生。予心知其爲茂先也。怪之。何其名至是。其後延接友朋、所稱茂先者、亦謂其與吾輩調同、而人地之美如予家居十年所聞者、但益以獎來學、抑薄俗。

卽緇素童孺之長一技有韻必令其聞于人人  
而後快以是名益重如是則尤文士所難也予  
觀茂先良然而獨所謂同調者茂先不受予亦  
不爲茂先受之蓋吾輩論詩止有同志原無同  
調客因問曰志與調若是殊乎予曰非但殊而  
已也調者志之仇也有志之士原本初古審已  
度物清而壯壯而密常以內行醇備中堅外秀  
發爲自不猶人之言而其途無所不經則試取  
古人之詩而盡讀之志無人不調無人不陶



淡謝麗其佳處不同元輕白俗其累處亦不同  
譬○如○人○相○知○貴○知○其○所○不○足○因○而○濟○之○豈○在○衣  
履○同○笑○哭○同○哉○夫○茂○先○之○詩○如○鐘○鼓○聲○中○報○晴○  
如○大○江○海○中○扁○舟○泛○泛○又○如○冠○進○賢○不○俗○之○人  
又○如○數○十○百○人○持○斧○開○山○聲○振○州○郡○而○其○寔○則  
幽○人○山○行○也○此○豈○吾○輩○聲○調○所○有○哉○而○至○其○原  
本○古○音○審○度○物○我○之○志○茂○先○無○纖○毫○不○與○予○同  
則○何○也○所○謂○志○也○然○則○十○年○稱○茂○先○不○容○口○者  
恐○亦○不○能○與○黃○冠○之○稱○爭○其○深○淺○矣○

懶仙云、易曰君子以同而異、惟其異也、所以  
爲真、同推之、可得其旨。



咏秋詩序

陳鍾璵

嚴羽卿論詩主一悟字。悟之爲言。淵洞孤適。不  
守故常者也。今世詩人。刺畫字句。求其工肖。如  
做李張題。則必稱引彼家故實。排場汲汲。惟恐  
其人之不似。而吾所作詩之意。泛而無歸也。余  
笑謂此夫。以咏物之體。爲懷人之詩也。抑神于  
咏物者。其妙不在是。詩人喜苛論。在他家。或有  
誹詞。至少陵。則無不頂禮者。今讀其苦竹蒹葭。  
孤雁病馬。諸五言律。所咏在一物。而筆起墨止。

善讀杜詩

不盡于一物。蓋胸中有故。不能暗滯。借題發之。  
前後左右。離離合合。聽其意之所往。不欲遽收。  
而面貌音字。實不足限之也。余友黃可發一日。  
而咏秋詩三十首。寄托有在。運用不同。披其帙。  
如探一岫壑。測其指。如演一爻象。蓋得少陵之  
意。而清變之真。卓然有以自立於冥窅寂達之  
中。此全乎悟力也。而予因廣而質之。古詩十九  
首。元氣包裹。不在一人一時一事。而要其軼大  
約。是懷人之辭。爾使今詩人讀之。見其無彼家。



故實也。則一以爲蕩，一以爲霧，而以視之深靜。  
淵朗之解讀詩者，其所贈荅酬送之人，爲李爲  
張，顧頰警咳，不愾然如有聞，肅然如有見乎？可  
發日升降，古人其必然予言也夫。

懶仙云：說詩之病，大約無者鑿之，使有；韻者  
實之，使呆。如少陵每飯不忘君，感憤時事，固  
是天植至性。一經宋人箋釋，謂字字句句風  
刺軍國，遂有詩史之目。當口與會所到，悠然  
有得，竟墮經生刻畫苦海矣。不解讀詩，又烏

解作詩哉



送張演仲併文序

楊廷樞

余與演仲別十有五年。今夏來吳。相見益懽。各道別後事。兩入之心。所云歷患難而不移貞。永久而彌固者也。演仲謂余。方璫醎熾。與東南有變。吳中義士。爲周忠介公擊殺騎尉。幾致黨錮之禍。余越在江右。遙知子必不免。果然。蓋演仲之信余如此。演仲寓武丘。不三日。卽過從。會穀米湧貴。民情鼎沸。余爲梓里綢繆。勞苦月餘。不見演仲。一日正念及之。而演仲適至。謂余曰。吾

卽不日在子左右而子之動靜起居吾必察之

子于救荒可謂辛苦備嘗矣蓋演仲旣信余而

是眞朋友

尤必事事訶余不肯輕恕余也如此夫惟相察

之殷而相望之篤是以千里之外而斷千里之

內有一人一事焉知必某也數十載之前而斷

數十載之後有一人一事焉知必某也演仲能

信余而余亦能信演仲者以此演仲信宿余家

糲飯布衾食無兼味寢無垂席弗怪也余不知

演仲是客演仲亦不知余是主焯兒方十歲學



弄柔翰○演仲嘉之○輒亦題贈○演仲牽其裾不令  
去○相狎如家人云○演仲將行○余邀過丙舍○時桂  
林叢開○灑酒爲別○演仲慷慨言曰○吾與子離十  
有五年○吾且漸壯○而子髮種種矣○此行也○苟不  
自致青雲○奮功業以顯名于當世者○吾不復見  
子○余聞其言而壯之○曰○子行矣○勉之○子得志後○  
毋忘斯日○乘車戴笠○相逢相揖○青泉白石○寔聞  
子言○乃書其語以送演仲○并代演仲古今文序○

懶仙云○眞肝膽○眞氣誼○寫得淋漓宛摯○

卷之

第

一、  
二、  
三、  
四、  
五、  
六、  
七、  
八、  
九、  
十、

十一、  
十二、  
十三、  
十四、  
十五、  
十六、  
十七、  
十八、  
十九、  
二十、

二十一、  
二十二、  
二十三、  
二十四、  
二十五、  
二十六、  
二十七、  
二十八、  
二十九、  
三十、



古桃花源社序

劉敷仁

余向閱圖經亦知邵陵之陽爲古武陵地竊慕  
尚焉。因思盧侯二生奉始皇命之海上神山。迺  
獨棄去。偕匿邵陵。安知昔之避秦人非卽此乎。  
顧予低徊之而未著其說。以告同人。如參嶽之  
顯於昭代也。車子孝思以弓冶之餘。知名當世  
十有五年。頃新銳之氣如泉吐如月生。與其友  
人王介公劉澹生王穉潛輩相切摩。暨門內之  
芝蘭玉樹皆爲名士。力倡文社。而古桃花源之

名始顯于天下。且從春雨中。命一僕過洞庭。懷  
以示予。予讀之。起舞。且思山川之號其聽命于  
高流者亦多矣。如屈子行吟。未知何處而今皆

地○災○四○人○傑○而○頭○角○然

爲屈子之滄浪。凡滄浪所經。不得而爭也。赤壁  
之戰。相傳白雉以下。而蘇子賦于齊安。齊安遂  
安然有之。又况高霞之旁。濱水之上。古桃花洞  
實儼踞其間也哉。雖然。車子未嘗區區與枉山  
朗水爭此一片仙源之今古也。特以左朗水而  
右高霞。諸子不受耳。然予更有服焉。昔桃花源中



人自云不知有漢何論魏晉今四子五經之書  
歸然秦火之後固也而諸子且降心而爲二京  
且降心而爲六朝抑何其飲天漿遇石髓而肯  
遊于五都之中也蓋今聖天子在上卽有盧侯  
二生亦曰我出而仕諸子之意殆深於尊王而  
湛然近道矣謏陋如余願繼子驥又問津焉  
懶仙云古來名山水必以人傳余因知遍地  
有桃源但不得避秦人耳

卷之四  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十

二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十

四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十

六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十

八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百



麗京威鳳堂集序

陸 培

序之冠弁文章首函載籍譬之人面然習讀之家未覽著述文序先之刺謁之事未及張弓挾矢導而前者面貌也今天下成學治古文制執者欲廣布風流傳宣方國執非附青雲之士不可走束帛問序賢公卿暨閭覽博物君子聲施有籍計良善培遊海內久舟車所屈投書相屬縱覽厥槩率有二端謏鄙之子發憤著書告成事○中○未○必○有○耳○顧○乃○鉅○公○碩○老○一○言○函○之○文○有○

足多者。此書增重。重于九鼎。序良之效也。客且  
豪士。書成數萬。一出一入。百金之價也。然使豎  
儒。弊手臂。文序跨列其上。目及恨之意。此子才  
誰前驅。擇若曹。陸陸者。直胡盧火。且無留耳。乃  
者。非成書。罪序者。戮之。潘岳貌美。張載貌寢。然  
其人不甚相遠也。才直均衡。石左右。無相難者。  
人之優蔽。不甚相絕。然見岳者。人投釵果。見載  
則。家具瓦礫。何也。潘岳故貌美。張載故貌寢。不  
知其心。視其面。譬之文序。然今天下爲序者。甚



矣。酷持技淺薄。安見舉足輕重。濡毫不下。抑絕  
賢豪間。使不得伸。文率蔽短。效老嫗。呶呶者三。  
無足道者。伯子麗京交滿天下。朝問序者五人。  
暮問序者十人。意麗京苦倦勤。又且矜貴。麗京  
慨然曰。吾家士衡。傲不曉事。欲僭覆三都。橫使  
他姓士安。遂成左思之名。其標徽揚淑如此。樊  
秀甄良。遂成日月。筆書墨記。積有篋笥。士君子  
燕飲所裏。尚欲廣通四座。左右合歡。遇賈人效  
商語。對玄士發清曲。使人得歡心而去。况在儒

林之雋欲附聲名于不朽者乎。龐士元之拔十  
失五。猶且爲之。謝玄暉屬書。稱圭亦云。何惜齒  
牙餘論。而京筆長言。惠仁者嘉進之心。未爲過  
濫也。方今大士長夜。天如中天。文章之責。屬有  
所歸。諸問序。孰非得健者。不可猶之安息國。錢  
文皆效王面。舊王歿。更圖新王。群雄就殞。霸事  
已成。而京雖欲西南向。其可得乎。

懶仙云。花神案。管龍賓司墨。太乙熒黎叟。玉

皇香案吏。奔走腕下文。心雄絕一時。



爽閣書目序

沈守正

人各有嗜。嗜金玉子女狗馬者。庸人也。嗜泉石  
花鳥絲竹者。韻人也。進而爲金石篆籀之嗜。清  
矣。然非博雅。不得稱賞鑒家。書其可已已夫。且  
○惟○博○能○雅○  
書之以爲寶也。剖玄黃之精。傳聖賢之髓。造物  
亦若秘之。惜之。往往難聚而易散。是以一厄於  
○古○來○大○帳○簿○  
秦火。再厄於楚漢。三厄於董卓。四厄於東晉。五  
厄於侯景。六厄於五季。七厄於靖康。八厄於元  
其聚也。以帝王之威力。懸金授爵。惟恐不得而

西漢止三萬三千九十卷。魏二萬九千九百四十五卷。東晉三千一十四卷。南宋六萬四千五百八十二卷。齊兼釋共二萬三千一百六十卷。梁七萬餘卷。莫盛於隋。嘉則積至三十七萬卷。至開元僅八萬卷。有奇。宋崇文書目三萬六千六百六十九卷。續目增一萬四千九百四十三卷。若夫沉篤淵湛之士。家哀戶襲。代不乏人。欲如阮孝緒之七乘。張華之三十車者。槩不多見。難可知已。予友吳子符遠。酷嗜書。一日不手書一月。



不得奇書則不樂藏書多者至十萬卷皆手自  
○是○真○嗜○書○者○較讐又喜借與人看予嘗有書謝之曰較來三  
豕正帙返一鷗虛皆惇言也雖然予猶進焉上  
古書用漆竹中古易以縑帛稠重易壞故一失  
不可復得周顯德中始有板行而古文寥落甚  
矣○卽開元八萬餘卷猶有今文三萬在其中以  
準今日可以類推故今之藏書似富實貧雖復  
萬卷不足敵千何者今文多而古文少也今與  
符遠約無誇卷帙之侈以見古爲奇有秘本急

錄而傳之得善本存副以廣之不獨廣吾氣類  
是藏書法  
之好亦借以破鬼神之慳非菰林一大勝事乎  
予少卽有斯嗜愧力不及它日當構小書淫館  
與賁閣相峙而居有無互授兩家子孫世世無  
恡一洗千古借書三癡二惑何減百城所謂勿  
替引之矣

嬾仙云世亦有自附積書者然不免聚薑之  
誚豈便免俗手自較讐喜借人看方不負此

百城



梅譜序

王思任

天下有必傳之心。無必傳之人。何也。心可以入。萬世。而人必不肯出百年。試擺列一世之人。摘看之。心卑者。逐無涯。高者。命不朽。誰不鑿七竅。而開四靈。至百年之外。其人與心俱血俱土也。有熒然一點。如火之傳薪者。無幾也。天下未有至焉者。而心爲至。有至心。斯天下有至人也。心不至。則人不傳。則天下無不傳之人。而多有不傳之心也。山陰劉雪湖少時見王元章畫梅而

悅之至忘寢食學之成遂負笈買履走名山幽  
壑遍訪梅花之奇盡得其情態無日不吟無日  
不畫遂不知老之將至始焉以元章畫繼焉以  
梅畫迄於今從心所欲或以雪湖畫或不以雪  
湖畫腕脫神飛墨停三日而淋漓之氣不止曾  
有廣文嚴某泛舟展視其圖值花蝶翩來依依  
數里許又曾畫倪中丞之壁越半載蜂食其華  
殆盡化則還天誠能動物一之至也雪湖嘗告  
人曰畫梅以韵格勝夫韵在聲後格在局先善



歌善奕者可知而不可解。即可解而又不可知。雪湖直以梅知之。而以畫解之。此其心之獨至。千載而下有必傳者也。著梅譜凡再四刻。俱爲好事者携去。性旣孤高。而家貧不能再刻。無以應問。奇者予偶還里中。訪雪湖山房。則霍髮鮐背。兩瞳子如碧照。而神甚王。方高川梅軒之下。猶在杜機冥契間也。出舊稿示予。予爲刻之于始孰宦邸。其詩卷稍爲次第。餘悉仍之以昭厥志。人共謂雪湖得梅之趣。而吾獨謂雪湖得梅

之苦。人徒欲傳雪湖之畫。而吾獨欲傳雪湖之心。儻從此有如其歌奕之悟。以至心而心傳焉。則是梅譜乃導師也。

懶仙云。唐巾馭言作梅花詩。斷斷非陶靖節。王摩詰不可。二公竟不着筆。品與梅稱者。不在口手間也。豈獨咏梅。卽繪梅者。亦必其有梅意。有梅骨。不比胭脂牡丹畫。雪湖之譜。莫作畫看。謹庵指出金鍼矣。



山中味譜序

陳組綬

清濁其苦生歿塵界人了了而羶膩腥垢滿腦  
肥腸將盡生我者耶智罔形脆填入苦海鋒氣  
鈍絕終已不悟哀哉余遊武康耳貫一聲甚熟  
過高峰亭午叩關相對山雲戶中出芝眉軒軒  
爲來照人乞曹溪偈甫半中懷冷然退而服靜  
於鳳凰山刹刹無四鄰星初日末虎來觸牆顧  
樂其清佳不欲遽變貫一念垂不置踏丹黃木  
葉而下慰我好音則山中味譜也種有十五系

以序譜以詩。余目所經。啜者纔四五耳。上人無  
乃豐若享受。此山中非有青鶯白馬。爲銀根車。  
錦泥幃。騎奴麗豎。飛崑崙觴歌草生盤石之事。  
但古雲千朶。隔絕重巘。深簣間颼颼不去。亦足  
以仰控青穹。下視白日矣。富媼治上人供具。種  
種而上。人禪喜之餘。咀香流韻。吹枯發榮。則高  
峰一衲地。上人與之共。今古余破洗鈍根。從上  
人數晨夕。不辜此遊。慶慰無量。

茗柯云。淡妙亦千里。蓴羹未下鹽豉時也。



廣種蘭書序

黎遂球

以古字稱蘭妙世

蘭之香其名於諸花爲尤古易傳如蘭風賦秉  
蘭茝蘭春秋之君夢蘭而生孔子家語稱與善  
人居如入芝蘭之室他如楚靈均有滋蘭之詞  
韓公子著浴蘭之事皆先秦而上也然蘭今鮮  
有能識者世之人率以蕙爲蘭又或以玉蘭爲  
木蘭夫蘭比君子稱之失寔物猶如此人何以  
堪抑余觀菊以靖節梅以和靖蓮以周元公桃  
以劉郎李以老子芍藥以韓魏公王岐公荆公

陳秀公四人牡丹以李三郎海棠以楊太真石

蘭之○高○在此○

榴以張博望侯是皆因人俱傳獨蘭又鮮有能  
相配者世傳猗蘭之操亦失真譜豈蘭之爲品  
乃反賤於羣花語曰蘭生幽谷不以無人而不  
芳然則爲君子者亦知所以自處矣苕上嚴次  
公生於安石庭階博雅多聞乃能廣輯蘭品彙  
爲是書其時其地與其物宜無不畢列持以索  
余爲序予乃欣然信筆一以告之好栽培者夫  
其廣者而如是愛之矣倘知其真者可知一以



告○之○徵○蘭○事○而○若○余○之○善○多○感○慨○者○其○庶○幾○信○  
雖○蘭○芳○之○幽○世○鮮○能○辨○然○則○是○書○之○傳○豈○猶○大○  
爲○圃○種○樹○之○瑣○事○也○夫○

曇○隱○云○蘭○之○種○有○九○而○九○之○中○又○有○山○澤○二○  
者○之○殊○澤○中○之○蘭○陸○機○明○之○山○中○之○蘭○黃○庭○  
堅○詳○著○其○說○或○者○不○察○詆○庭○堅○爲○非○宋○學○士○  
所○以○有○蘭○辨○噫○世○之○貿○貿○而○不○知○辨○者○獨○一○  
蘭○也○夫○

11

1917

山豆餅大

列女



俛仰七尺。覺儘多難處。分難稱塞之事。反不如  
一歎之爲直截了當。吾恐死正不難。難又正在  
不歎也。愚夫愚婦。着衣喫飯。無常未到。誰肯轉  
念及此。而聖人每每指之曰。罟獲。曰。陷阱。曰。幸  
而免。又何必待六脈既定。一棺戢身。然後爲歎  
也耶。嗚呼。未知歎焉。知生與其日。日生日。日歎  
母寧須臾歎。而千古生。仲芳之錄。斯編也。其亦  
有憂患之心也夫。

顧仙云。事功氣節。皆自涵養中來。是實學也。

如徒以虛名自居○所務者小○所喪者大○雖有  
聞于世○才過人耳○志不足稱焉○能辨乎此方  
知性命自有安立處○爲灰者特開生面

前張在後後頁在前



浙忠錄序

曹勳

世人肯做極無恥之事。只是怕得一死。一死而天下無難事矣。乃有囂囂功名熱心高位。幾幸國家旦夕無事。以貌爲良臣。而常若有東門黃犬之懼。噫。死又何難也。古有云。聖人無死地。及觀于作易之憂患。一進一退。知險知阻。唯聖人刻刻可死。故唯聖人刻刻能生。然則死亦有道焉矣。張睢陽雖死。功不後于郭令公。陶元亮雖生。節何愧于晉處士。齊黃幸不爲鼂錯。善成其

名鐵尚書不幸不得爲亞夫非戰之罪是詎可  
以成敗論天下士哉近來稱浙大功如于如王  
其經綸才識定出正學之上易地而處則兩人  
能爲正學正學不能爲兩人斷可識也使正學  
迂腐話頭不歿則定官制更舊章日弄柔翰以亡其社稷  
依然一迂腐之學究即使擁戴新主克展平昔  
亦未必加于戇直之長孺明經之玄成而特以  
一歿烈烈照映千古然則歿亦何負于人也哉  
今人唯視歿太難因視生太易假令未歿以前



遜國忠紀序

楊廷樞

臣在草莽伏讀高皇帝時事興學較育人材正風俗大哉王謨益行之三十年而忠臣義士駢肩疊跡自古未有若斯之盛者也漢唐宋之已事可睹已孝惠蚤世政出房闈易置諸侯王如反掌崛起疆廷諍一安國侯耳玄武門喋血夜半戮斧王魏朝射鈞夕委贄姦普傳會金匱佐成廷美德昭之歟悲夫此皆創業貽謀不及一世二世者也而艱難變故之時忠義漸滅國如

無人焉。悲夫。明興革除日月之際。元孫遜荒。真  
人踐胙。不托天與人歸乎。乃諸臣爭首陽之節。  
趨歿如飴。決脰屠腸。血肉狼藉。肢體斷續。妻孥  
親戚皆反接。貫五木。索索牽就。戮不少瞬。雖湛  
九族靡悔。其從容絕命。間關從亡。卓犖可紀者。  
甚衆。若堙沒不得稱者。又不可勝數也。顧遺事  
異蹟。遑遑復見于世。學士好稱之何哉。高皇  
帝手提八紘于彝倫泯棼之日。變醢養瘠。堯醢  
舜薰。不及百年。風移俗革。大聖人作爲。過化存



神之妙如此故以高皇帝之功則易世之後  
神器不當杌耜再安以高皇帝之德則非變  
出非恆士爭死義不足以見培養忠孝廉恥之  
報以高皇帝之智不難舍伯邑考立武舍脂  
立衍而不可失萬世立嫡之正文皇帝之仁  
不難赦斬祛之罪旌漆身吞炭之忠而無以見  
曠古臣子之烈故臣謂諸臣之忠高皇帝生  
之而文皇帝成之也生成之恩唯君唯父卽  
頌言無諱以明雨露霜雪之皆恩言之者爲罪

乎。嗟乎。中山開平之流。純德元勲。前代未有。固  
已宣昭於鑠矣。要以礪世磨鈍。扶天綱。植人紀。  
思育賢于菁莪。咏食德于豐鎬。如方練耿鐵之  
義。又曷可少哉。斯固有道君子之所欲揚。屹也。  
南都舊有忠節錄。刻于太嘗。而事久論愈定。諸  
臣爲建文請編年。爲諸忠請卹。請祀。先後爭上  
書。而南禮曹臣周鑑特請易名。且將進而請建  
文廟號焉。于是搜輯衆聞。補所未備。凡若干卷。  
曰遜國忠紀。藏之家塾。以俟國史。而孝廉臣楊



廷樞爲之序

蔡叟云文信國對策考官批云古誼若龜鑑  
忠肝如鐵石此序亦足當之  
曇隱云遜國諸忠在天爲星辰在地爲河嶽  
是文與並千古先生有手箋方練諸公傳楮  
間生氣勃勃真所稱道德填骨髓忠義貫心  
肝者歟





忠孝別傳序

吳震元

陳同父云天地而可架漏過時則塊然一物也。人心而可牽補度日則半歿半活之蟲也。從來忠臣孝子與亂臣賊子只爭此心活不活耳。天生此忠孝種子一粒粟傳百千萬億亦百千萬劫生生滅滅而不離其根。故日月星辰雷霆風雨皆天之忠臣義士孝子順孫也。使天無忠孝之根則數者方且操戈入室以爭梵天帝釋之位而三十六天之上皆爲戰場。安能架漏過時

也哉。女媧煉五色石以補蒼天。又搏五色土。引繩于泥中。舉以爲人。得黃土。人富貴。得經人貧賤。董子曰。五行莫貴于土。忠臣之義。孝子之行。取之土。五色莫貴于黃。天玄地黃。天地之性。亦忠孝也。貴賤者人也。忠孝之性。無貴賤一也。天全力養一地。地盡力以養橫。橫生盡以養縱。縱生盡以養一。丈夫皆一粒粟中所生。無二種也。則域中三大足矣。胡然四大。地水火風。山河大地。冥頑不靈。得火而變。火得風而幻。化莫測。風



自火出。則爲家人。家人者。君君臣臣父父子子。兄兄弟弟夫夫婦婦之謂。故火不傳于木。而傳于水。于金。于土石。六經諸史。皆傳忠孝之風。輪也。則又安所取別傳者。而紀之。余不敢謂忠孝之性。不傳于貴人。而傳于賤人也。不傳于人道。而傳于鬼道也。不傳于同類。而傳于異類也。不傳于有情。而傳于無情也。要以無情如草木土石。且然。况有情乎。異類如鳥獸禽蟲。且然。况同類乎。鬼道如鬼神妖怪。且然。况人道乎。賤人如

僕隸丐優盜賊夷狄且然况貴人乎。余不知何者爲學道。何者爲成仙。作佛但知忠孝外無聖賢。無神仙。無菩薩。佛祖倒轉旗槍就窠打劫。人自有忠孝無盡藏。取不禁而用不竭。雷電鳴。龍蛇驚。雷雨作。草木折。只在風輪一喚醒耳。余亦不知何者爲天堂。地獄。但知天上決無亂臣賊子。地下決無忠臣孝子。莫謂世衰道微。天氣薄而地氣亦薄。地氣薄而忠孝之性亦薄也。但得人人喚醒。光明洞達。不肯牽補度日而爲半。



灰半活之蟲則予輯別傳意也

萊友云淨明忠孝是仙佛種子人但知慕仙  
佛而甘爲牛灰半活之蟲何也

作佛作仙總是官名垂世洞賓修煉龍黃系禪  
世壽名與百年雲長忠義武穆忠烈切壽與世





七幅菴自敘

傅汝舟

嘗讀傳見一父結巢自隱。當許由不受堯天下之讓。而洗耳。父且愛牛之口。而避其水。吁嗟乎。是非絕世之異客。而可語者乎。高宗夢說圖形。卜於巖。相捧以出。築基王室。木繩大業。造於夢醒。是治世之正客。而可語者。曹瞞建三重閣。召賓。命作鼓吏。以辱衡。衡脫禪裸體。擦搥大罵。而瞞舌橋不敢下。以一鼓聲。當良之錐。軻之七也。是震世之烈客。而可語者。文君司馬琴心挑走。

徒四壁立。當壚滌器。狀近無賴。而神宇灑灑也。  
是脫世之俊客。而可語者。朱詹少貧。饑則吞紙。  
寒則抱犬以讀。卒成大儒。是待世之苦客。而可  
語者。一鵝籠耳。許彥負之。而書生來寄其中。已  
而一口吞吐。妖童艷女。金漿玉錯。不知從來。是  
戲世之怪客。而可語者。天龍和尚說禪。豎一指  
頭。示寂者。嘆一生受用不盡。是了世之解客。而  
可語者。吁嗟乎。頭顱不正。第一流。便自讓人。眼  
界若寬。不二門。無非由我。抱傳岩之鋤。好似枯



禪展天龍之手○堪作良弼○不擬古人之藏者○不  
扶今人之奇○則臥狗嚙書○是英雄本色○不破時  
人之目者○不發高人之致○則伏巢滌器○正豪傑  
家風○東魯心胸○自具潁水老曹面孔○不笑漁陽  
若夫○或現窮漢相○或作宰官身○或爲破法狂生  
或爲守律聖祖○其鵝籠中人○或有與能乎我取  
七子圖爲七幅○晤言一室○翱翔千秋○將笑宗少  
文之臥遊者○山川以無客而不靈矣○胡然生叩  
庵而請曰○子祖述仲尼者○而慕吟七幅○想主人

別有說歟。予笑而不答。書一解示之。胡然生。倘  
然而廢然。喪厥懷來而出矣。俄而庵中如揖如  
嬉如踞如臥。相許而莫逆者。七幅客來尋主人  
也。

附解

仲尼千古稱人絕。夢斷姬公思夢說。尼山高並  
傳。岩山喪狗正臥巢。由穴朱生嚼破絕。韋心禰  
兒。撾碎誅卯血。天龍和尚真個奇。指掌無言天  
我知。叅禪不少摩登女。作聖豈廢當盧姬。一片



鵝籠何處掛。小小書生堪入畫。假使唾出仲尼  
來。鵝聲當是滄浪話。七幅我知自千古。不是孔  
家自得數。又作歌曰。出來岩下老。歸去指頭禪。  
節裂輦聲脆。風流酒暈丹。寒狗依人夢。癯牛趁  
我髀。聊耽籠裡戲。七幅主人看。  
曇隱云。散之爲七客。合來便是一人。千百億  
化身。只是一如來。可參不二了義。  
嬾仙云。雲林每嘆世無人物。可畫有此七幅。  
不恨我不見古人。但恨古人不見我耳。





張異卿時義序

萬時華

夫○今○古○文○人○山○水○玄○對○當○其○放○意○取○我○心○目○適○  
彼○性○情○由○是○至○文○生○焉○夫○文○非○情○弗○真○非○韵○弗○  
遠○非○品○弗○貴○非○境○弗○幽○嘗○辟○諸○山○水○崑○壑○送○迎○  
煙○日○爭○讓○晴○雨○去○來○文○之○情○也○春○山○如○黛○秋○山○  
如○抹○晴○波○如○練○烟○波○如○織○文○之○韵○也○樵○徑○欲○斷○  
帆○影○若○窮○愚○子○長○年○過○而○下○泣○飛○猺○騰○狔○時○引○  
淒○異○文○之○境○也○泰○山○滄○海○各○負○高○深○以○爲○威○儀○  
文○之○品○也○王○永○啓○嘗○言○游○西○子○湖○如○對○美○人○若○

近若遠。妙使人親。入武夷。如對古先生。久之亦使人憚而欲去。余嘗謂此老夙生具山水至性。乃能爲此語。然夏以此譬諸文章之事。大都西湖之勝。以情以韵。然物之過於情與韵者。或爲靡。或爲纖。或爲佻。齊梁之新聲。徐魏之宮體。是也。武夷之勝。以品以境。然物之畸于品與境者。或爲孤。或爲僻。或爲冷。或爲儉。或爲遠。人島之瘦。郊之寒。是也。夫世有真能玄對于山水者。西子粧新。蘇陵淚濕。庾驅役于胥門。餘怒銀濤。萬



疊雄心。猛意未可倅降。入九曲之幽奧。心骨殊絕。而蕩。匈。玉。女。之。雲。延。賞。幔。亭。之。月。又。侶。仙。氣。超。超。使。人。十。日。坐。臥。不。能。去。若。此。者。之。情。之。韵。之。品。之。境。無。一。不。擅。而。至。文。歸。焉。吾。將。以。張。異。卿。當。之。異。卿。吾。黨。奇。士。也。其。人。和。旨。可。親。方。嚴。可。憚。而。閑。止。之。意。見。之。者。如。不。能。去。相。其。文。亦。然。向。與。羅。席。之。讀。書。山。中。已。玄。對。于。洪。厓。蕭。嶺。之。間。久。矣。比。躡。三。山。經。武。林。盡。西。湖。武。夷。之。勝。而。歸。夫。異。卿。能。益。山。水。豈。徒。山。水。益。人。試。舉。其。

文使西子捧硯。曾孫按節而歌之。晏聲當出金石。予固舉永啓言。廣其意如此。蓋異卿乃不負西湖武夷之游矣。

嬾僊云。山水文章。筆端映發。看建康之雲。觀廣陵之濤。令人騁目快胸。



修筆公征刑錄序

陳際泰

突狀出奇

天下有奇鬼焉。刑殘之尸。以雙乳爲目。以肥臍爲口。執干戚而舞。物遭之。未足不爲其所祟者矣。或訴之帝。帝使無夢天神征之。斷其手足于委羽之山。水土奠。人民育。刑國在雲夢之南。爲芋姓和氏之丘墳所托處也。其后族裔散處。屬有天幸。其子孫類皆大冠如箕。長劒拄頤。性好聚玉。而不甚辨。賸者賞之。以真投之。迷焉而輒刑其足。唯是議興征刑之師。或曰。非彼罪也。有。

刑鬼抑其心而使之迷彼好刑人是弗獲已也  
有所奉焉爾又安知受刑者不復有刑鬼自攝  
其心而使之迷乎弗迷狀而刑有刑運焉是亦  
刑鬼之爲之也征刑之旗於彼乎於此乎未知  
其果安在也筆侯已兩刑矣其所挾大者天智  
天球妥后氏之璜小者女珥女環寶氣揚矣精  
神見于山川設九儼而親于廟行有及焉鬼雖  
奇何能爲于是議罷刑國之師因不征也

懶仙云送窮鬼者當先送此刑鬼



石頭庵集序

傅新德

譚禪者以悟爲則。詩亦然。此典錯襟假物神變。難言不測之妙。感觸突發。流盪情思。言之者暢。而聞之者足以動。則三百篇尚矣。遍是以降。鴻舉豹蔚而金石其聲。以自附於古之作者。代不乏人。然人獨稱淵明。太白。右丞。襄陽。蘇州。諸君子。其所自得處。瓊瓏透徹。絕無聲色臭味之習。如羚羊挂角。無跡可尋者。夫豈嘔血剗心。枯髯凋鬢。窮日之力。而不得一辭者之所可同日語。

哉○此○無○他○故○則○所○爲○悟○頭○別○耳○碧○峰○寺○蘊○璞○上○  
人○醉○心○祖○道○有○年○胸○中○灑○落○消○搖○殊○不○知○人○間○  
有○所○謂○印○組○者○終○日○閉○門○宴○坐○左○右○圖○書○蕭○然○  
與○世○外○隔○如○避○秦○人○然○問○法○者○時○來○瞻○禮○茅○庵○  
席○扉○香○一○縷○出○竹○林○中○始○知○所○處○間○與○同○調○煮○  
茗○匡○坐○相○對○譚○名○理○能○使○深○源○掩○口○支○公○却○步○  
已○稍○進○其○詩○數○卷○力○去○雕○飾○天○然○冲○夷○太○羹○不○  
和○之○味○流○羨○於○齒○舌○間○相○與○吟○咀○久○之○若○置○身○  
於○陶○韋○諸○人○之○前○而○厭○世○之○工○於○藻○者○余○固○知○



上人之洞於悟也。或曰淵明太白諸人之於詩。雖各有妙悟。至以拈華微笑正法眼藏勘之。其大致不出綺語耳。非真於性命分際有所窺徹也。上人而淵明太白右丞襄陽蘇州也。則何以少林黃梅曹溪百丈瀉仰哉。曰陶韋諸人以詩禪者也。上人以禪詩者也。以詩禪者從外入。其致偏以禪詩者從內出其力。雄見則同境則懸矣。譬之雨然。落天宮則珍寶落。修羅則刀鎗而落人間。則雨又譬之水然。諸天見爲琉璃。地獄

見爲濃血。魚鱉見爲窟宅。而人間見爲水。何以故。所證異於中。斯所觀變於外耳。故詩一也。詩人爲之。則綺語矣。道人爲之。則妙偈矣。楞嚴不云乎。如我按指。海印發光。汝蹙舉心。塵勞先起。爲物轉。與轉物之別也。作詩者。能不爲詩所轉。則何渠淵明諸人。不爲少林諸宗乎。余之謂上人。詩不得禪。以此。上人籍江夏。嘗游衡山。山故有石頭庵。頭自江夏來。金陵所居寺。又近石頭城。則總而名其集曰石頭庵集。余讀石頭庵集。



而祝融君山之奇。洞庭雲夢之秀。鍾阜大江之雄。天闕樓霞之觀。若盡收而入於子墨之府。上人妙明中所現山川名勝。殆爭流競秀。令人應接不暇矣。嘗戲謂上人。此中末後一句。謂何肯容學人同叅否。上人听然而笑曰。去去。石頭路滑。

懶仙云。昔人以禪喻詩。禪則一悟之後。萬法皆空。捧喝怒呵。無非至理。詩則一悟之後。萬象冥會。呻吟咳吐。動觸天真。此則詩機禪理。

一一證合。筆墨間有神動天解之妙。



寂學上人詩序

陳組綬

餘英極望、重峯峻嶺、壤割居半、冬行羣勝中、石  
髻枯青草、髮深緝霜、工費許大力、染千樹楓、曾  
作幾日供、一夕寒甚、單衾擁背、不作熱安臥、不  
得先鳥而起、視谿前樹、濯濯交枝、髡顛沒足、雖  
欲遲暮弄姿、無復着蒂處、蓋遊人自西子湖過  
者、如裘馬年少、錦帳流連、日費十萬錢、不足供  
夜遊一擲、無故犢禪、推髻作田舍生活、又如十  
五六女郎、踏藉羅翠、展轉人懷、袖間量珠買曲

一顧爲恹忽爾服緇素戴籜冠。皈首瞿曇荒稿索。莫也此中明。山複列迥絕聲塵爲古德枯禪。證覺之所其來已久。余息肩甫信宿卽遣小兒問琳禪師得道處。趺坐銅井古松拂雲靈泉貯月。燕栖巖窟天風颯然。又扶筇攀葛直躋峯顛。晤某某兩上人。道氣淵默有琳師宗風。歸晚拈髭紀諸奇勝。都未拈示。一日將發棹歸看斷橋衰柳。風剪雪獵。近作光怪何似寂學上人以一筒至。亦詩亦禪有齊已休遠之遺。余益復喜。



謂此遊不負餘英靈秀之氣。衆山結之。衆山靈秀之氣。寂學諸上人發之。始知裘馬移情。艷冶進道。正是人人入勝地。但未能飽飫風霜。與諸上人共此歲晚耳。

懶仙云。瑤草琪花。手觸便秀。口咀便香。風之而韻。幽雨之而光潤。不染人間烟火。





宛轉歌敘

董斯張

原○夫○八○閔○肇○創○九○變○載○作○歌○穠○桃○葉○紫○雲○駐○而○  
不○飛○曲○麗○竹○枝○綠○塵○舞○而○難○定○並○馳○丹○鉛○之○巧○  
致○寫○翠○樓○之○態○六○代○以○遷○作○者○雲○擾○躡○壽○陵○之○  
步○襲○則○非○腴○垂○阮○險○之○律○多○而○無○貴○繁○聲○輩○作○  
予○寔○病○之○虎○阜○之○陽○霍○市○之○側○其○中○有○畸○士○焉○  
氏○胤○彈○劍○人○憐○懷○璞○鳥○則○五○色○投○懷○花○則○千○葩○  
含○頰○任○城○學○海○扶○風○繡○囊○一○篇○纔○出○漢○宮○損○其○  
顛○狂○片○語○畢○投○楚○后○蠲○其○疾○首○而○風○流○眇○倫○駘○

蕩亡檢。如遵桑陌。或袖金而致請。乍履狹邪。動  
停鞭而遙問。春風一曲。蘇州之腸應亂。高城百  
雉。太原之髻可裁。爰譜新聲。極摹別恨。餘情所  
致。亦復及人。長門請賦於文園。衡山倩書於水  
部。泠然可聽。各稱人懷。若乃傾城麗質。獻笑承  
歡。人前色授。把玉腕而交憐。堂下目成。解羅衣  
而非勸。珍鬢微亂。宿處留嬌。眉墨未施。粧成還  
等。晤黃姑於七夕。邀白帝於窮桑。吐柔情而油  
素。餘香寫妖冶而采毫。掩色至如。送君遙渚。開



妾○空○幃○錦○字○鴻○絨○瑤○琴○鶴○弄○帳○中○蘇○合○全○銷○雀○  
尾○之○鑪○檻○外○遊○絲○半○織○龍○鬚○之○席○乃○或○新○縑○愛○  
移○亡○簪○意○斷○扇○老○秋○風○泣○齊○紈○之○卷○篋○釵○沉○露○  
井○驚○翠○羽○之○沉○泥○邈○後○會○而○何○期○迎○前○歡○而○已○  
失○則○有○言○言○織○恨○聲○聲○代○啼○瀾○漫○怨○海○非○木○石○  
之○能○填○鬱○壘○愁○城○豈○雲○梯○之○可○破○下○逮○越○人○繡○  
被○之○寵○王○孫○金○丸○之○嬖○螻○蟻○蓐○於○黃○壤○鳳○凰○集○  
於○紫○宮○靡○不○綴○以○麗○辭○艷○其○幽○悰○者○焉○試○令○婉○  
嬋○小○鬟○啓○丹○脣○而○逸○響○便○娟○車○子○按○紅○牙○而○理○

音。可使素鵲翔舞。玄駒傾聽。月下裴徊。羈魂聞  
而破涕。尊前颺厲。剛腸翻爲繞指。真詞林之爛  
錦。文囿之片玉也。僕本鄙人。素習斯術。載覲清  
顏。恆憐絕調。和之彌寡。賞音慙乎爨下。情之所  
鍾。獨嗜踰乎昌歆。託彼梓人。播諸好事。雖使祖  
龍未歿。不赴咸關之灰。記室載生。靡奪洛陽之  
價。

懶仙云。響遏行雲。調高白雪。



絳樹音序

卓人月

竊謂閨閭之才獨秀不數奇男聲音之道良深  
休誇啞色入肝脾而感頑艷無過一室之通變  
庶物而亂靈祇方信兩間之塞夫詩與歌不遙  
顧或長于手而短于口舞與曲相應亦或工于  
態而拙于喉卽如柳絮傳于一言機絲溢于千  
首錢刀何用傷離別于白頭流水有情託殷勤  
于紅葉斯已徵其錦臍奈未動乎朱唇又若風  
裡初翾喜玉龍之顛倒鶯邊獨試類霜鶴之羞

慙。宛。若。驚。鴻。乍。來。梅。下。忽。然。逐。鳳。幾。入。雲。中。郎。  
當。之。袖。雖。長。幼。眇。之。音。不。著。乃。有。琴。飛。綠。萼。之。  
香。箏。弄。紅。窗。之。影。鳳。響。已。歸。天。上。亞。之。復。得。親。  
聞。鵲。絃。俱。學。宮。中。善。本。浪。稱。絕。技。擘。阮。咸。而。居。  
記。室。者。紅。線。撫。短。笛。而。降。茵。于。者。綠。珠。人。曰。律。  
呂。之。精。俱。堪。不。朽。然。而。絲。竹。之。事。未。入。自。然。惟。  
是。繞。梁。不。散。傳。逆。旅。之。曼。聲。啓。櫃。相。逢。美。才。人。  
之。新。囀。飛。燕。之。後。復。呼。飛。燕。紅。芙。蓉。慣。引。禽。來。  
朝。雲。之。側。更。立。朝。雲。綠。鸚。鵡。頗。知。人。意。庭。中。艷。



曲驚花朵片片沾衣袂下芳魂在草頭枝枝應  
拍百回鶯囀寧辭一束之綾數串驪珠豈但千  
金之值歌王渙之絕句雙鬟以此稱奇吟曰學  
士長篇弱女因而長價河滿未終九轉腸一時  
忽斷柳綿又少雙垂淚半晌難收隔簾記伶客  
之腔紅紅可方黑黑擊節唱稼軒之作田田止  
共錢錢至于墉城仙姬觴天子而謠白雲秦隴  
神姬遇沈郎而歌瑤鏡鬼如紫緩翠緩琅琅絲  
柳之謳妖若紅裳綠裳嫋嫋春風之怨來靈辭

真捧竿。夢裡微聞菩薩鬘。蘇小牽帷醒來遙續。  
黃金縷。紛紛瑣瑣。莫罄青編。怪怪奇奇。無踰絳  
樹。蓋一時出口而恍有兩音。始終不亂。兩人側  
耳。而各聞一調。思議無從。是以元人載在瑯嬛。  
會比于黃華二牘。若夫魏帝誇其善舞。又配之  
宋。臆清歌妙矣。斯人寧止一端之擅美。癡哉我  
輩。忽向千古而鍾情。顧安得六六成行。戴金搖  
而擎玉。拍聊用取三三官調。乘班管而訂紅牙。  
試看句出文人。字字必有媚媚嬋娟之態。會須



譜傳美女聲聲不負風雲月露之章。分北分南，  
使燕趙越吳之麗各騁專門。合南合北，見洪纖  
緩急之間，不宜偏勝。雖不能化一人之口而作  
雙亦庶幾攝五方之音以歸兩。當知鴈樓主者  
有意推敲，不許下里巴人無端倡和也。江南月  
中人書于蕊淵之嘖曲亭。

海岸云齊梁艷曲。

嬾仙云樹裏聞歌枝中見舞。不知其爲筆爲  
墨。





憐才篇序

黎遂球

才○與○識○與○膽○三○者○相○需○而○動○有○才○而○無○識○則○輕○  
受○人○憐○以○至○于○比○匪○說○在○乎○荀○文○若○之○于○魏○武○  
有○才○識○矣○而○無○膽○則○不○能○蚤○自○引○決○而○仇○疾○我○  
即○說○在○乎○蔡○中○郎○之○于○董○卓○孔○北○海○有○識○有○膽○  
者○也○而○其○才○太○踈○故○卒○爲○魏○武○所○困○而○無○所○成○  
諸○葛○孔○明○有○料○事○之○識○不○肯○輕○受○人○憐○然○無○知○  
人○之○明○故○不○能○援○壯○繆○公○而○當○其○北○伐○也○亦○以○  
無○應○而○歸○故○才○者○必○欲○其○識○膽○並○至○不○然○皆○不○

古來大案斷

足以爲才○亦宜以不才終其天年○惟憐才之人  
亦然○不才者○必不能憐才○說在乎葉公之好畫  
龍○畏真龍也○其無識則疑○疑則凶○終說在乎漢  
高○之于韓信○才識具矣○而膽不足○則多畏○畏則  
忌○說在乎魏武之於北海○魏武有任事之膽○無  
任人之膽○亦其知人之識有餘○處己之識不足○  
漢高處己有餘○而知人不足者也○惟處己正○故  
膽亦自足○卽不知人人○亦樂爲之用○不害其爲  
事○此漢高之所以過于魏武也○項羽無才○無識○



有○膽○矣○而○志○盈○易○足○故○不○能○用○范○增○孫○仲○謀○有○  
用○人○之○膽○而○無○任○事○之○膽○皆○無○志○也○猶○之○乎○無○  
用○人○之○膽○也○劉○玄○德○膽○識○俱○正○能○用○人○而○才○終○  
不○足○至○于○所○行○之○事○與○初○心○違○故○其○所○用○之○才○  
亦○止○得○三○分○之○一○予○嘗○求○之○從○古○來○才○固○莫○如○  
周○公○能○憐○才○亦○莫○如○周○公○吐○哺○握○髮○其○易○見○者○  
也○使○無○識○則○不○能○任○呂○召○畢○散○諸○人○相○與○伐○殷○  
又○負○扈○而○臨○之○各○盡○其○用○無○膽○則○夷○齊○微○箕○四○  
子○者○俱○處○之○不○得○其○道○故○惟○周○公○能○憐○才○其○他○

皆否。然或者時地偶有可乘。足以相下。故事亦  
成。如司馬氏當三國之餘。唐李氏宋趙氏當分  
崩困憊之後。皆中才可濟。然合前數者論之。亦  
危之數也。末世無才。則往往求之于單詞片語。  
而其間小有才者。亦每學蟲聲獻偶。得以希人  
之憐。或又從而妬之。皆可耻笑。雖然存而論之。  
亦足以見夫人之所爲能不能也。予友朱叔子  
氏試經濟于山林。所居禹峽。故黃帝子采藥讀  
書處。向頻没于蛟螭荆棘。叔子獨能與曾季狂



按舊籍闢草萊復洞天福地諸凡古今游人事一言悉窮索于斷碑殘簡中此豈非具曠世之才者○今讀其所輯憐才篇上自帝王卿相以至于僧伎鬼卒無所不書予爲之感歎○旣而又欲因之以正告之天下○今天下需才急矣○乃相與塗飭要結所進者多○非所宜用○其有氣類相召○樂育培植則又輒以爲黨○又其間稍稍自負者○急于求見○或未免失身躍冶○于是人可亦可人否亦否○不復能自行其志○嗟乎此其所以負

聖主憐才之至意。則益不可以不明。夫所稱識  
膽之說也。若叔子者。高尚爲志。是篇殆爲感遇  
而作。且以訓世。豈復屑人憐哉。是以舉予恆論  
者爲之序。

嬾仙云。世人皆欲殺。嗟乎。欲殺者。直是無膽。  
多畏多忌。然世上真才。寧受人殺。不受人憐。



陳小韞詩序

鄭之玄

陳小韞者、予友陳宗九之令女也。宗九博學多聞、善諸體詩。小韞年八歲、竊學宗九爲詩、得語云、素手挽琵琶、清聲明月中。宗九見之驚曰、此吾家道韞、於是小韞能熟讀經鑑、世說二書、益爲詩。宗九稍出以示余、余始駭嘆我輩不如也。古今所傳樂府諸題、其事之關於閨閤者、率男子作女人語、雖工不必肖。若夫以女人作女人語、則渾身都似矣。此小韞之所以爲詩也。鍾記

室詩品言自李都尉迄班婕妤。將百年間。有婦  
人焉。一人而已。又曰爲五言者。不過數家。而婦  
人居二。徐淑敘別之作。亞於團扇。何憂憂其難  
之也。借如蘇伯玉盤中之妻。竇連坡迴文之婦。  
莫不曲折溫柔。纏綿深妙。讀其詩者。使人有化  
離悽怨之感。豈男子所能爲哉。小韞之詩。體物  
甚微。溫婉而靜。無傷怨之遭。雖不必方之於古。  
要自成其爲閨閣之本色矣。其詩之嘉者。採蓮  
云。輕舟忽逢三數女。手撥荷花隔舟語。片片花



英隨波流。隔水爭拋青蓮子。妝樓美人云。宛轉  
秋波自點點。綠鬢梳成春雲黑。纖腰無力罷曉  
妝。風飄翠袖動簾櫳。擣衣云。須臾月落青天曉。  
空庭惟集雙啼鳥。織將錦字寄秦川。曾奈深居  
行人少。玩月云。月容何事帶雲紅。却被風來雲  
已東。爲愛入簾分碎壁。忽看掬水若浮空。將過  
三五俱堪玩。半失圓明自不同。信灰信生誰會  
得好。將底事問天工。皆體物緣情語也。予故錄  
而記之。恐其久而失。又系之以詩。詩曰。樓頭題

得美人教。素手琵琶學句嘗。錦字烏絲闌欲滿。  
玉臺艷曲體誰長。閑情欲共流蘇語。詩氣渾如  
噴雪香。恨事世間常不少。可能天壤嫁王郎。

懶仙云。三百篇中多婦女之什。後人極摹擬  
而不能似。女人詩豈男子所能爲。詩發乎情。  
所以取其真也。



西子蕙序

萬時華

今瞰長洲之苑。汎錦帆之河。麋鹿臺荒。鷓鴣殿  
廢。然過其下者。響屧之屐。似破苔心。蘼蕪之薨。  
疑來湖面。未有割然。遂無情于西子者。夫人彼  
此相感。然後情生。當其離合。生歿有所撫膺酸  
脾。然後情至。人之于西子。何情哉。大抵情之深  
者。非以義烈。則以冶豔。今試道武陵。泛舟西子  
之湖。鄂王廟在蘇小塋。高豔魄。忠魂。行道之人。  
同傷異感。獨至西子。或引諭于傾城。或揚勛于

霸越若舉朱仙之恨西泠之泣向所歎感動者而交讚之然世之弔西子者賦或千言詩幾萬什兼之制舉執蓋自子友米子京始子京文士風流舉止自異世操觚能以詩賦擅者什四五不能爲制舉執者百無一焉自子京廣其途以納之世之憐西子不欲以詩賦擅者盡得解衣盤薄無鬱伊于筆墨之間此文章快事抑亦西子之遭也又翻波或曰晉襄陽畫癖書淫或至拜石終日然未聞好色自喜今勺園文雅子父同風



子京復何愛于西子哉。余曰：孟氏掩鼻之言，復使西子千秋不以色標。迺以潔著。夫襄陽固饒潔癖。子京取于是，殆神明乎？乃祖之好者矣。余亦以制舉稅，不以詞賦。蓋弔西子不奇于詞賦，奇于制舉。稅相與成子京之奇舉也。

嬾仙云：雋不傷綺，藻不涉艷。錦心玉骨，浣紗人應稱知己。

Blank rectangular area on the right side of the page, possibly a placeholder for a seal or a blank space for writing.

Blank rectangular area on the left side of the page, possibly a placeholder for a seal or a blank space for writing.



椎秦記序

方應祥

秦始皇帝瀕歿而倖免者再○荆卿徐夫人七首○  
失鎬于殿柱○張子房博浪之椎○誤中于副車也○  
荆卿之智不如山鬼有之○子房顧亦作此蚤計○  
何哉○雖然○副車碎而祖龍之心○膽已與俱碎矣○  
沙丘之鬼○安知不卽此奪之○夫天至神且威也○  
雷庭之擊物○有不必盡制其歿命者矣○豪桀舉○  
事○碨礧廊落○一意所至○百折必前○馮吾一意以○  
遊戲鬼神○其肖吾之意○與不必肖○吾亦以馮鬼○

神之遊戲。懸的而射之。巧者以必中爲奇。伯昏  
瞽人有穹后羿之射。時或以不中徵其巧。老猴  
之雪涕而乞死。矢固未嘗去由基之手也。况乎  
策勲中不中間哉。有能賞吾此語者。可與共賞。  
吾友王伯揆。張子房。椎秦記矣。或曰。伯揆之發  
憤于秦也。何以不並譜荆卿。而譜子房。嗟乎。丈  
夫胸懷。本趣遊戲。千古于傀儡之場。瀟灑高寄。  
豈可世人情量言之。然則子房父祖五世未伸  
之痛。懣快鬯于博浪之一椎。副車誤中。千古惋



惜博浪百斤之椎感慨知己于伯揆椎秦之一  
記矣○

懶仙云博浪一擊○千古快舉○雖中副車○祖龍  
之魄已奪矣○嗚呼報韓之心○豈能一日待哉○





玉節傳奇序

倪元璐

韵人管風絃月。莊士矩倫。獲理兩氏。遇於塗必。  
粹頂交睡而去。今使兩手者。左執檀口。右執鐵。  
肝兼寫並獻。所不能矣。夫文章之柔若媚狐。比。  
於巧令者。莫甚元之曲子。而以爲繇其道之可。  
以教忠世培。則有取爾也。世培心恫於時。起蘇。  
衛稿壤爲當場之弄。其艷蘇意微。其醜衛恨切。  
岳氏之祠泥範武穆。金鑄檜尚人之欲不朽。檜。  
尚甚於存武穆也。宮商鑄之不愈於金乎。故是。

記則祁氏之刑書也。名音曰律。名法亦曰律。故  
世培之能于司刑。於此可知也。然世培之於古  
之爲詞者。則有異歸焉。宋廣平剛腸而哦梅花  
則媚歸于姿。世培妍面而敷勁旨。協於銅琶鐵  
綽。歸于骨。王右丞奏鬱輪袍。領解登第。歸於藝。  
世培旣登第。而聲忠影叛。發其思存。歸於道。柳  
耆卿調桂子荷香。致金亮躍馬。歸於臯。世培拈  
一禿節子。近晶漢目。遠遏胡雲。歸于功。且夫譜  
事爲詞。使可歌舞。其中有靈也已。以世培氏之



詞爲嚮。享於諸氏。聰氏享諧。瞭氏享態。藻氏享  
華。俠氏享義。而用物以配之。逢花則艷。着酒則  
豪。當經則法。伍史則綆。是固英怪。非其才莫能  
爲之也。

超宗云。紫雲仙月李青蓮五臟皆錦繡。贊此  
文。不得不襲其語。

懶僊云。世培鴻寶兩先生。其忠誠通上天星  
斗。落想琢句。又能擲地作金石聲。





方外司馬雜劇序

陳弘緒

屈原之後無騷。子美之後無詩歌。屈原之騷。子美之詩歌。皆其幽愁抑鬱。悲憤感慨。不容自己。而後見者也。去屈原千年至子美。去子美更千年。至於今。士之幽愁抑鬱。悲憤感慨者。未嘗不同。其所爲詩騷之類。既不能如兩人之雄偉。則其才宜別有所寄。以獨出而不可掩。小說彈詞。詩餘雜劇之流。皆其繼詩騷之餘。別有所寄。以自洩其懷者也。然以是數者論之。備小說之奇。

攬詩餘之秀。去彈詞之鄙者。則惟雜劇尤不易。  
工。方外司馬何人乎。蔡昞踏雜劇何爲而作乎。  
其幽愁抑鬱悲憤感慨誠不可知。然其技則幾  
與屈原之騷。子美之詩爭勝矣。夫其技何以至  
于此也。可嘆也。嘗試於高堂靜夜。燈燭交熒。鼉  
鼓逢逢。譁呼雷發之際。進俳優登場而歌之。當  
必有髮上指而髯怒張者有之。其爲我謝曰。休  
明之時。士無不平之意。幸母爲諸俳優所動也。

曇隱云。今雜劇家最多俗筆。若欲以繼詩騷  
之餘。當令舌橋不能吐矣。



新西廂序

卓人月

天下歡之日短而悲之日長○生之日短而歿之日長○此定局也○且也歡必居悲前○歿必在生後○今演劇者○必始于窮愁泣別○而終于團圓宴笑○似乎悲極得歡○而歡後更無悲也○歿中得生而生後更無歿也○豈不大謬耶○夫劇以風世○風莫大乎使人超然於悲○歡而泊然於生○歿○生與歡○天之所以錫人也○悲與歿○天之所以玉人也○第如世之所演○當悲而猶不忘歡○處歿而猶不忘

生○是○悲○與○歿○亦○不○足○以○玉○人○矣○又○何○風○焉○  
風○焉○崔○鶯○鶯○之○事○以○悲○終○霍○小○玉○之○事○以○歿○終○  
小○說○中○如○此○者○不○可○勝○計○乃○何○以○王○實○甫○湯○若○  
士○之○慧○業○而○猶○不○能○脫○傳○奇○之○窠○脫窠曰不能悅俗○耶○余○讀○其○  
傳○而○慨○然○動○世○外○之○想○讀○其○劇○而○靡○焉○興○俗○內○  
之○懷○其○爲○風○與○否○可○知○也○紫○釵○記○猶○與○傳○合○其○  
不○合○者○止○復○甦○一○段○耳○然○猶○存○其○意○西○廂○全○不○  
合○傳○若○王○寔○甫○所○作○猶○存○其○意○至○關○漢○卿○續○之○  
則○意○全○失○矣○余○所○以○更○作○新○西○廂○也○段○落○悉○



本會真而合之以崔鄭墓碣又旁証之以微之年語不敢與董王陸李諸家爭衡亦不敢蹈襲諸家片字言之者無飾聞之者足以嘆息蓋崔若在他○人○爲之○便是○學○究○考○訂○氣○之自言曰始亂之終棄之固其宜也而元之自言曰天之尤物不妖其身必妖于人合二語可以蔽斯傳矣因其意而不失則余之所爲風也海岸云卽就歡場演出苦諦正是佛心度世





爲僧募米之巨廬序

艾南英

巨廬佛宮之勝甲於豫章然以其可宮不可田故山僧常仰四方之食而四方之僧適是山者必具舟齋糧飯僧以爲敬此謝僧之所爲募乞也予告之日今天下多事士大夫疲於議論將帥疲於兵捐軀與僨事之臣駢首封疆而百姓尤苦於征賦北方有警則潯陽吾豫章重鎮也無潯陽則無豫章士大夫東西行適是山者不復爲樂天之草堂李渤之景星而行且爲沿江

制○置○之○地○汝○之○齋○糧○而○往○也○爲○我○問○曰○江○州○之○  
爲○郡○邑○爲○節○鎮○者○復○有○如○宋○均○岳○武○穆○其○人○乎○  
則○雖○重○繭○百○舍○稽○首○西○方○祐○我○名○臣○作○鎮○潯○陽○  
將○袁○臨○吉○撫○洪○瑞○數○州○之○民○實○賴○以○安○枕○而○况○  
出○其○升○斗○豆○區○三○餐○一○飯○之○餘○以○餉○茲○山○之○僧○  
固○其○所○樂○也○

曇○隱○云○桑○梓○之○慮○惻○乎○言○之○福○田○之○說○渺○矣○  
余○嘗○論○天○下○叢○林○緩○急○之○際○其○衆○可○用○蓋○打○  
包○僧○旣○無○內○顧○頗○多○剛○勁○旣○聚○之○衆○不○必○募○



合○且素有清規○易約束○昔金人過獨松嶺○徑  
山能仁寺○聚衆拒之○而五臺亦與金人鬪○然  
則餉僧徒佛事也哉○  
西華云○五代李愚爲相○廢帝謂之粥飯僧○薄  
其非經濟才也○若飯僧有關桑梓○則伴食之  
相○且不逮僧力遠矣○

○ 斗室有十言又曰○ 月半之日○ 斗室有

西華云○ 五升半熟○ 為時熟○ 帝謂之○ 陳如常○ 熟

限○ 餘計○ 餘計○ 中○ 也○ 始

山○ 翁○ 才○ 青○ 翠○ 翠○ 翠○ 而○ 至○ 臺○ 衣○ 與○ 金○ 入○ 圓○ 卷

○ 令○ 凡○ 未○ 休○ 靜○ 時○ 是○ 錄○ 來○ 昔○ 金○ 入○ 殿○ 陳○ 林○ 處○



蘭臺居士瘞田序

張溥

聞之搖風隕樹。枯條不存。煦日在冬。含稊必發。物無隆殺。義存周流。是以靈臺瘞骨。諸侯服西伯之仁。漏澤埋骸。中國變宣州之俗。匹婦叫呼而霜下。孝子感動而泉生。是皆說著精誠。道兼存歿。然若流漸降。古制益微。病方徒設於李唐。浮屠莫救乎殊域。焚厥哭子。但怨驪山之土。灰負火出湯。誰采北邙之松栢。惟我善士。乃啓弘心。爲義旣不辭難。好施必先閔歿。荷鍾而往。寧

捐負郭之田。扶杖相哀。忍舍一舟之麥。緇黃行  
路。僮僕爭驅。愁撻指之無家。與杯土以止息。若  
夫寒飈。厲栗逐狐狸之夜。妖灼暑鑠。金揮蒼蠅  
之弔客。日徘徊乎莽莽之野。非求知於冥冥之  
中。乃知莊生長歎。不尚虛狂。裴相喜施。豈資空  
漠。嗟逝者爲誰氏之子。幸仁人有可食之栗。然  
則金經善寫。猶然楮葉之雕。佛像勤裝。未足眉  
毫之補。孰如觀型居士。共助美因。使流民誦中  
原之有菽。山鬼且長夜而知歸乎。

仁人之言



智囊序

馮夢龍

馮子曰人有智○猶地有水○地無水○爲雉土人無○  
智○爲行屍○智用于人○猶水行于地○地勢均則水○  
滿○之○人○事○均○則○智○滿○之○周○覽○古○今○成○敗○得○失○之○  
林○茂○不○繇○此○何○以○明○之○昔○者○桀○紂○愚○而○湯○武○智○  
六○國○愚○而○秦○智○楚○愚○而○漢○智○隋○愚○而○唐○智○宋○愚○  
而○元○智○元○愚○而○聖○祖○智○舉○大○則○細○可○見○斯○智○囊○  
所○爲○述○也○或○難○之○曰○智○莫○大○於○舜○而○困○于○頑○嚚○  
亦○莫○大○於○孔○而○厄○於○陳○蔡○西○隣○之○子○六○藝○嫻○習○

懷璞不售。鶉衣穀食。東隣之子。紇字未識。坐享素封。僕從盈百。又安在乎。愚失而智得。馮子笑曰。子不見夫鑿井者乎。冬裸而夏裘。繩以入。畚以出。其平地獲泉者。智也。若夫土窮而石見。則變也。有種世衡者。屑石出泉。潤及萬家。是故愚人見石。智者見泉。變能窮。智復不窮。于變使智。非舜孔方且灰于廩。泥于井。俘於陳。若蔡何暇琴于床。而絃于野。子且未知聖人之智之妙。用而又何以窺吾囊。或又曰。舜孔之事。則誠然。



矣。然而智囊者固大夫錯所以膏焚於漢市也。子何取焉。馮子曰：不不錯不處于智，死于愚方其坐而譚兵，人主動色，迨七國事起，乃欲使天子將而已，居守一爲不智，讒興身滅，雖然，錯愚於衛身而智于籌國，故身死數千年人猶痛之。列于名臣，輓近斗筭之流，衛身偏智，籌國偏愚，以此較彼，誰妍誰媸，且智囊之名，子知其一，未知二也。前乎錯有樗里子焉，後乎錯有魯匡支謙杜預桓範王德儉焉，其在皇明楊文襄公並

擅斯號○數君子者跡不一軌○亦多有成務豎勛○  
身榮道泰○子舍其利而懲其害○是猶睹一人之  
溺而廢舟楫之用○夫亦愈不智矣○或又曰○子之  
述智囊○將令人學智也○智繇性生乎○繇紙上乎○  
馮子曰○吾向者固言之○智猶水然○藏於地中者  
性○鑿而出之者○學○井澗之用○與江河叅○吾憂夫  
人性之錮于土石○而以紙上言爲之○畚鍤○庶于  
應世有瘳爾○或又曰○僕聞取法乎上○僅得乎中○  
子之品智○神奸巨猾○或登上乘○鷄鳴狗盜○亦備



奇聞。事且穢矣。何以訓世。馮子曰。吾品智非品  
人。也不惟其人。惟其事。不惟其事。惟其智。雖奸  
猾盜賊。誰非吾藥籠中。硝戟。吾一以爲蛛網。而  
推之。可漁。一以爲蚕繭。而推之。可室。譬之谷王  
衆水同歸。豈其擇流而受。或無以難。遂書其語  
於篇首。

懶仙云。猶龍氏胸有智珠。大智大圓。轉小智  
小圓。轉彙爲智囊。將使下人有上上智。同  
證入智果。於篇首見其端已。

卷之九  
 一  
 二  
 三  
 四  
 五  
 六  
 七  
 八  
 九  
 十  
 十一  
 十二  
 十三  
 十四  
 十五  
 十六  
 十七  
 十八  
 十九  
 二十  
 二十一  
 二十二  
 二十三  
 二十四  
 二十五  
 二十六  
 二十七  
 二十八  
 二十九  
 三十  
 三十一  
 三十二  
 三十三  
 三十四  
 三十五  
 三十六  
 三十七  
 三十八  
 三十九  
 四十  
 四十一  
 四十二  
 四十三  
 四十四  
 四十五  
 四十六  
 四十七  
 四十八  
 四十九  
 五十  
 五十一  
 五十二  
 五十三  
 五十四  
 五十五  
 五十六  
 五十七  
 五十八  
 五十九  
 六十  
 六十一  
 六十二  
 六十三  
 六十四  
 六十五  
 六十六  
 六十七  
 六十八  
 六十九  
 七十  
 七十一  
 七十二  
 七十三  
 七十四  
 七十五  
 七十六  
 七十七  
 七十八  
 七十九  
 八十  
 八十一  
 八十二  
 八十三  
 八十四  
 八十五  
 八十六  
 八十七  
 八十八  
 八十九  
 九十  
 九十一  
 九十二  
 九十三  
 九十四  
 九十五  
 九十六  
 九十七  
 九十八  
 九十九  
 一百



倫者菑自序

陳梁

讀山海經至已寒禦兵愈疾諸產未嘗不神疑  
意逞然匪怪禽妖獸卽毒蟲奇鬼之都居不可  
近縱玉山王母就而觴吾亦必掩側卻走設作  
大言欺人語哉獨倫者上多金玉下多青蘘中  
惟白<sup>音</sup>落<sup>音</sup>之木如穀而赤理汗如漆可血玉<sup>染</sup>  
<sup>作光</sup>其味如飴食之不飢可以釋勞嗟乎吾總  
彩也  
不戀戀此人境特良勞良飢苟安故里得一吮  
嚼幸矣天假之翼吾將飛而宅倫者之山以上

之金玉娛吾家人以下之青護予木汗血吾之  
筆而吾飯其樹何難屣一烏沙巾乃庚字侖者  
以志仰止適有棗梨之苗遂署曰侖者苗凡三  
十條目爲八區後昆蠶負釀師自能珍之  
曇隱云瞻芝幢聆鶴吹恍惚此身在閬苑瑤  
臺



印史序

沈承

沙界一大圖書記也。石補鼇戴是謂印牀。劒嶺蓮嶽是謂印骨。合璧聯珠是謂印篆。雲霞如綺江漢如練是謂印之赤白文。草樹之苗是謂印之痕。禽魚之尾是謂印之影。水流花開是謂印之奏刀。髮豎眉橫是謂印之結體。龍卦龜疇是謂印稿。酉巖汲冢是謂印櫝。科斗鳥跡是謂印說。自天驚雨逗以還。纍纍之敦彞碑版是謂印上之波點。卽西方之黃面。東海之青山是亦謂

印中之佳手而印外之副本也。誰爲印胎。曰有一寶輪。非金非玉。誰爲印鈕。曰有一帝竅。非龜非虎。誰爲印匠。曰有一鬼斧。非鏐非鍊。誰爲印墨。曰有一空華。非丹非粉。誰爲司印曹。曰有一子虛先生。非香案吏。非符璽郎。亦非太乙老人。是故印之所積。則爲糟丘。印之所走。則爲筆陳。印之所登。則爲詩壇。印之所變化。則爲劍術。印之所鼓吹。則爲竹肉部。印之所駘蕩。則爲溫柔。卿印之所受持。則爲香之五薰。而丹之九轉。會



得此意雖垂無綸釣彈無絃琴而亦是印不會  
此意雖入五都擁百城而不是印然則胸中自  
有釵脚漏痕方許叅不違印史如必鐫舟而求  
按圖而索謂某代當摹某式某人當用某記者  
寧向名山瘞吾印史

懶仙云筆下具天劃神鏤之巧寶光百道輝  
耀今古君烈圖記掌握幾欲捐斤八極矣





魚目笑自序

姚宗典

魚目笑明月。晉張協詩也。明月者何珠也。莫寶  
于珠而魚目笑之。抑何其不知量歟。雖然有說  
焉。魚目猶人目。然用之則明。不用之則昏也。明  
月珠猶月。然月無與于我。我亦無與于月也。此  
明月之不如魚目也。魚目見明月。卽魚目居然  
一明月。而魚目靈于明月矣。明月入魚目。不能  
必魚目之不吐棄明月。而魚目貴于明月矣。此  
明月之又不不如魚目也。魚目自以爲過之。故笑

之。余生長菰蘆。而近不識洞庭。矧天下之奇山  
水哉。此魚目之見溝澮。不見江湖者。乃不勝其  
自笑焉。笑而詠之。謂魚目之受命于天。如是而  
止。魚目自笑。不敢笑明月也。刻魚目笑而天下  
之侈明月者。或復靡然笑之。曰。子所謂蚘竅蠅  
聲。何足語于風雅之道。而詹詹自以爲能詩多  
見。其不知量也。魚目亦笑而不言。

懶仙云。一塵飛而翳天。一芥墮而覆地。明月

魚目。有何分辨。若遇碧眼胡人。定有識別。



文石軒宮詞小序

宋實穎

蓋聞班姬純扇。悵明月于昭陽。西子浣紗。弔青  
萍於粵苑。扶風織錦。翡翠人間。出塞擣衣。吹簫  
天上。茂陵未聘。琴心將別。崔俱飛。金谷正移歌  
舞。與朝雲爭艷。佳人洵有情也。公子獨無思乎。  
是以珊瑚駕筆。徐陵流咏。玉臺芍藥。催詩李白。  
才名金屋。引驚蟬于寶瑟。江令謝六宮之表。宿  
蘭燕於瑤筐。杜客寄揚州之夢。至若雲留洛水。  
思王見而嗽詞。雨號巫山。宋玉聞而作賦。渡空

桃葉芬芳桃李之歌步出金蓮唱和蓮舟之曲  
體輕飛燕臨去欲仙秀埒麗華當筵自舞此雖  
邇降乎風人實亦兼收夫騷雅若我黃子甘泉  
鹵薄盡在清文西蜀纂組悉歸華簡加以蕭瑟  
山川楓冷吳江之葉飄零雨雪月寒潮上之支  
謝上巳之游蘭亭已逞采東籬之菊九日方閒  
用播宮詞爰昭衣豔楚山十二競妬娥眉晉黛  
三千咸工綽約寫蛺蝶之圖無事上官握管製  
露桃之句亦猶花蕊修文况復燕臺荒草青塚



總識明妃南國黍離半面粧同徐后長門天遠  
賦成金石之聲西禁鐘深調是霓羽之奏昔梁  
風輕蕩簡文尚號銀箏隋曲淒迷蕭瑀自矜玉  
尺矧茲夢入瀟湘思牽楊柳悲聞帝瑟泣望姮  
娥者乎是則清平三調可冠天寶之詞惆悵五  
言實領太和之袖矣

懶仙云昔人願將玳瑁爲王謝裝書思把珊  
瑚與徐庾架筆每讀旣庭文字句香艷請先  
齋薇露灌手煖玉蕤香然後發讀

仁

久○得○茲○夢○入○蕭○疎○思○牽○默○情○悲○因○帝○瑟○武○望○歌  
風○舞○慈○高○文○尚○銀○疑○華○削○曲○斐○製○蕭○歸○自○王  
顯○如○金○不○之○華○西○禁○聲○彩○陽○鼓○雲○歷○之○奏○昔○牙  
必○端○即○武○南○國○泰○將○半○面○赫○同○外○司○其○門○天○玄



種霞語影序

筠科友

此仙

嬉笑而皆文章者。髯蘇也。文章而皆怒罵者。禿  
此○便○是○罵○  
李也。生人之情。嬉笑可矣。何必怒罵。然世無一  
可嬉笑人。又何必不怒罵。怒罵而在人。遂怒罵  
而在文章矣。種霞道人程如晦。嬉笑人也。人人  
在其嬉笑中。人人在其怒罵中。怒罵不已。又語  
影而成文章。筠嘗過道人苔花塢。坐種霞亭。出  
文章而語筠。以怒罵。筠曰。子以語罵。人人受子  
罵。子以罵語影。影荅子罵邪。道人曰。影不荅我。

影却罵人。我以罵罵影。以不罵罵也。筠曰。且莫罵。且語影。人身相燭。影能定通窮。雖然。人知通窮。在相影中。不知通窮。在語影中。影可語。語之通。則報之通。語之窮。則報之窮。窮通在語中。通窮不在影中。也。萬物有形。則影隨之。苟事無形。又安有影。苟事無影。又安有語耶。一切有爲法。如夢幻泡影。形卽是影。又安有真影。而語與之。語卽是形。又安有真形。而影與之。夫如是。語與影皆無是處矣。如李青蓮贈子亭以種霞果。謂



霞可種耶。謂蓮生如霞。其影蔓蔓。曉夜池中。種  
得數莖影耳。影可種。則語亦可種。道人種霞影  
於語中。道人又種語影於霞中。紅光照眼。皆其  
影中嬉笑。玄音射耳。皆其影中怒罵。道人醒眼  
看人。則霞影盡白。醉口罵人。則霞影皆黑。道人  
文章如落霞片片。飛自指間。語雖罵人。影却自  
喜喜來時。影幻髯蘇語語。嬉笑喜去時。影幻禿  
李語語。怒罵筠笑之曰。子出文章問我。子將罵  
我耶。道人怒曰。吾與若嬉笑之耳。何言罵筠。又



笑之曰。如子語。仍是罵。曾何嬉笑耶。道人顧影。不覺破笑。秉之影曰。吾果罵。吾果笑。影復不答。秉之筠筠亦不答。道人喚影子往撲青梅數升。買筠再答。筠是答於新夏一日語影序中。

種霞云。處世至此時。笑啼俱不敢。何敢怒罵。方受人怒罵。何敢怒罵人。余正作嬉笑面孔。籜翁認爲怒罵耶。余將緘口而避影矣。懶仙云。嘻笑耶。怒罵耶。空靈幻變。不落一筆。



